

ELEMBO YA MINEI



Mbote. Tógumba mitó sikawa mwa moke, mpo na kobondela.

² Tata na biso ya Ngolu mpe ya Likoló, tozali kobeleva lisusu epai na Yo na mpokwa oyo, sikawa, na Nkombo na Nkolo Yesu, mpo na kopesa Yo matondi mpo na mokolo mosusu oyo. Mpe tozali kosenga sikawa mapamboli na Yo likoló na liyangani ya mpokwa oyo. Tika ete Molimo Mosanto áya kopesa biso ndimbola ya makambo oyo tozali koluka na etingia nyonso mpenza. E Nzambe, tika ete ézala na motuya mingi mpo biso nyonso tókoka kosangana zinga-zinga na Liloba na lolenge ete ntango tokobima, tókoka koloba: “Mitema na biso ezalaki kopela kati na biso te wana Azalaki kosolola na biso na nzela?” Totondi Yo mpo na oyo Ye asili kozala mpo na biso, mpe totii motema ete Akotikala elongo ná biso wana tozali kokóba na mobembo, mpo tosenge yango na Nkombo na Yesu. Amen.

³ Esengo mingi ya koya lisusu na ndako ya Nkolo, na mpokwa oyo, na liyangani! Mpe tosepeli mpenza. Nazali na esengo mingi ete . . .

⁴ Nakanisaki ete Oyo ekoya te, kasi sukasuka Eyaki. Na bongo, nazali kozongisa matondi mingi, ete ezali oyo ya nsuka kati na babuti-mpunda minei wana, oyo, nakanisi ete ezali moko na Mateya ya motuya koleka mpo na Lingomba na ntango oyo.

⁵ Nayebi te soki Oyo mosusu ezali nini. Nazali kaka kozua yango mokolo na mokolo, kaka ndenge Azali komonisa Yango. Nazali komeka ko—kopesa Yango, na nzela na . . . ndenge Azali kopesa ngai Yango.

⁶ Bozali kosepela na li—lipamboli yango? [Losambo balobi: “Amen.”—Mok.] Bosili komona ndenge Yango, na bolóngobani ná bileko ya lingomba, ndenge Ezali mpenza na boyokani ya kobonga be ná yango? Lolenge wana nde e . . . Mpo na ngai, elakisi ete ezali—ezali Molimo Mosanto moko oyo apesaki bileko ya lingomba, Molimo Mosanto moko yango nde azali kopesa Oyo, bomoni, mpamba te esangisami elongo; nyonso ezali mosala monene moko ya Nzambe, komitalisáká Ye moko na mitindo ndenge na ndenge.

⁷ Bokomona ete ntango Amitalisaki Ye moko epai ya Daniele, na bimononeli, eloko moko ezalaki kotalisama wana, ndakisa, ntaba na—na esika oyo, to ntango mosusu nzete; mpe na esika elandi ezalaki ekeko. Mpe—mpe—mpe makambo oyo Ye asalaki, kosáláká likambo yango moko ntango nyonso, kondimisama mpenza ete tozángi yango te.

⁸ Sikawa, nazalaki na esengo makasi mpenza, kaka kala mingi te, nazalaki kosolola ná mama moke moko oyo afandi awa, ya mibu pene na ntuku mwambe na mitano. Mpe ye . . .

⁹ Eleki ntango molai te, kaka liboso nákende kofanda na westi, ee, ezalaki na—na mwana mwasi moko ya moke kuna na Ohio, oyo azalaki, nabanzi bongo, oyo azalaki kobunda na liwa, akómaki na etape ya nsuka ya leucémie. Sikawa, leucémie ezali cancer na kati ya makila. Mpe, oh, mwa mwana yango akómaki, boyebi, na mpasi makasi na lolenge ete elikia ezalaki lisusu ata moke te mpo na ye. Bakómaki koleisa ye na nzela ya misisa, lipaso yango. Boye, bazalaki libota moko ya babola mpenza. Mpe bango . . .

¹⁰ Mme Kidd oyo azali awa, ná Ndeko Kidd, bayebisaki bango ndenge Nkolo ayanolaka mingi mpenza na mabondeli. Mpe basanganaki, nakanisi, mpe bazuaki moto moko na mosala, mpe bayaki ná mwana mwasi yango awa. Mpe azalaki mwana mwasi moke ya kitoko mpenza, ya mibu pene na, oh, motoba to nsambo. [Ndeko mwasi moko alobi: “Mibu libwa.”—Mok.] Mibu libwa. Mpe—mpe azalaki na nsima kuna na kati ya biró. Mpe . . .

¹¹ Mpe ntango tokendeki liboso na Nkolo, Molimo Mosanto apesaki ye liloba moko. Mpe basengelaki komema ye, basengelaki komema ye mpe koleisa ye, boyebi, ndenge wana. Kasi ntango azóngaki, akómaki kolela bápesa ye hamburger, na bongo, akómaki kolia bilei na monoko. Mpe bapesaki ye hamburger, mpe bakobaki koleisa ye ndenge moto nyonso aliaka.

¹² Nsima na mwa ntango, na mwa mikolo, bamemaki ye lisusu epai ya monganga. Mpe ba . . . Monganga akokaki na ye kosósola te. Alobaki: “Ezalaki lokola ezalaki te, ezalaki ata mwana mwasi yango moko te.” Alobaki: “Ee, leucémie ata moke te e—ezali esika moko te, esika ata moko te.” Boye, mpe, azalaki kobunda na liwa. Bakokaki na bango lisusu te; bakómaki kaka koleisa ye na nzela ya misisa na ye. Asilaki kokóma na lángi ya mosáka. Boyebi ndenge bakómaka. Na boye ba . . . Sikawa azongi na kelasi, azosakánáká ná bana mosusu, ná esengo nyonso mpenza.

¹³ Ekundolisi ngai likambo mosusu ya ndenge wana. Mokolo moko, nautaki kozonga ndako, mpe ezalaki na . . . Soki nabosani te, bazalaki ba-Episcopal to ba-Presbiterien, baoyo bamemaki mwana ya mwasi moko ya moke longwa na Kansas. Mpe minganga bakokaki kosala lisusu eloko te, azalaki na leucémie. Bapesaki ye kaka mikolo minei ya bomoi, nabanzi; akómaki mpenza na mpasi makasi. Boye balobaki ete bakozua mikolo minei yango mpo na koya awa, koleka na banzela ya neige mpe nyonso wana, na etúka mobimba, mpo tóbondela mpo na ye. Mpe nkoko na ye ya mobali, mobange moko kitoko mpenza na kotala, azalaki na suki ya mpembe.

14 Mpe basilaki kozala ná ye, eleki mikolo mibale awa, na mwa hotel moko. Na—nabanzi ete ezali lisusu kuna te sikawa, na mopanzi oyo ya Silver Creek. Boye, nakendeki kuna, na butu yango, kobondela mpo na ye. Ezalaki na ntongo-ntongo mpenza. Nakómaki na butu yango, kouta libanda na engumba, mpe nakendeki kuna. Mpe mobange tata . . . nkóko yango azalaki kotambola wana. Mpe, mama azalaki komeka kokipe mwana yango.

15 Mpe wana nafukamaki mpo na kobondela, Molimo Mosanto amonisaki ngai sekelé moko, oyo ezalaki katikati na—na mama ná tata yango, likambo moko oyo basáláká. Nabéngaki bango mpembeni mpe natunaki bango likambo yango. Babandaki kolela, balobaki: “Ezali ya solo.”

16 Bongo nabwákaki miso na nsima, mpe namonaki mwana mwasi yango kopumbwa na silíkotí, kokende kosakana. Sikawa mwana yango. . . Nsima ya mpóso soko misato, batindelaki ngai fotó ya mwana mwasi yango, asilaki kozonga na kelasi, azalaki kopumbwa na silíkotí, mpe azalaki lisusu na leucémie, ata moke te.

17 Sikawa, sikawa, matatoli yango ezali mpenza makambo ya solosolo, bomoni. Boye, Nzambe na biso azali mpenza solosolo, bomoni. Tosalelaka kaka Ye mpe—mpe tondimelaka Ye. Mpe—mpe na—nayebi ete Azali mpenza solosolo.

18 Sikawa, nazali kosala makasi nyonso, wana eloko moko, na kati, katikati na biso, ezali kofungola nzela na Yango. Sikawa tokomeka, na mpokwa oyo, na ngolu na Nzambe, kozua Elembo ya Minei oyo, mpe kotala oyo Molimo Mosanto akosengela koloba na biso, kati na Yango.

19 Sikawa nakotángá e—Emoniseli, mokapo ya 6, kobanda na molongo ya 7; ya 7 mpe ya 8. Ezali ntango nyonso na milongo mibale; ya liboso ezali liyebisi, mpe molongo ya mibale ezali likambo oyo ye amonaki.

Wana efungolaki ye elembo na minei, nayoki mongongo na ejali-na-bomoi na minei—na minei koloba ete, Yaka, komona.

Natalaki, mpe namonaki mpunda na langi lokola mpondu: mpo na mofandi na yango (oyo afandaki), nkombo na ye Liwa, mpe Ewelo ebilaki. . . ye. Mpe bokonji likoló na ndambo na minei na mokili epesamaki na bango, mpo na koboma na mopanga, na njala, na kufa, na. . . banyama na yauli ya mokili.

20 Sikawa, Nkolo ásungá biso sikawa mpo tósosola Oyo. Ezali libombami.

21 Sikawa, nakozonga nsima mwa moke, ndenge tozalaki kosala na bileko ya lingomba, mpo na babuti-mpunda oyo mpe bobukami ya Bilembo oyo. Sikawa, mpo tómikotisela yango na

makanisi na biso, koloba mwa moke kino tokomona ete ntango ekoki mpo na koloba.

²² Sikawa, tomonaki ete kobukama ya Bilembo, ezali Buku ya Bilembo oyo ekangami. Na bongo Buku yango elingámi lokola ruló, ndenge bazalaki kosala kalakala.

²³ [Ndeko Branham asaleli nkasa ya mokanda mpo na kotalisa ndenge bazalaki kolínga mpe kotia elembo na ruló—Mok.] Ezalaki buku ya lolenge *oyo* te; mpamba te oyo euti kosalema kala mingi te, babuku ya lolenge oyo, na mibu ya nsuka oyo, oh, nabanzi mokama na ntuku mitano, nkama mibale to bongo. Boye, bazalaki kolínga yango, mpe kotika nsuka na yango libanda. Nayebisaki bino ndenge bazalaki kosala yango, mpe napesaki bino Makomi, epai ya komona yango, na Yilimia mpe bongo na bongo. Bongo oyo elandi ezalaki kolíngama zingazinga na yango, mpe nsuka na yango ezalaki kotikala libanda, ndenge *wana*.

²⁴ Mpe moko na moko ezalaki Elembo. Mpe ezalaki Buku oyo ekangamaki na bilembo nsambo, mpe ezalaki. . .Moto moko te. . .Ntango bazalaki. . .Ezalaki Buku ya Lisiko oyo ekangamaki na bilembo nsambo. Bólimbisa ngai.

²⁵ Na bongo, moto moko te na Likoló to na mokili, to na nsé ya mabelé, abongaki mpo na kofungola Yango to ata kotala Yango. Mpe Yoane alelaki, mpo amonaki ata moto moko te. . .Mpamba te, soki Buku yango ézuamáká te longwa na loboko ya Mokóló na yango ya ebandeli. . . Epai wapi, Adama ná Eva babungisáká Yango, mpe ezongaki, nsima na bango kobungisa makoki na bango ya Liloba, bilaka, libula na bango.

²⁶ Bango, bómikanisela, bazalaki kokonza mokili. Azalaki—azalaki nzambe ya moke, mpamba te azalaki mwana ya Nzambe. Mpe mwana ya Nzambe azali nzambe ya—ya—ya moke. Sikawa, yango ekeseni na Makomi te. Nayebi ete eyokani ndenge mosusu.

²⁷ Kasi Yesu alobaki: “Soki bobengaka bango, baoyo Liloba na Nzambe eyaki epai na bango. . .” Mpe Liloba na Nzambe eyaka epai na nani? [Losambo balobi: “Basakoli.”—Mok.] Basakoli. “Soki baoyo Liloba na Nzambe eyelaka, bobengaka bango ‘banzambe,’ ndenge nini bokoki kokweisa Ngai ntango Nalobi Nazali Mwana na Nzambe?” Bomoni?

Mpe, sikawa, bazalaki banzambe.

²⁸ Mpe moto, soki obotami na libota moko mpe ozui nkombo ya libota yango, ozali mwana, mpe eteni ya tata na yo.

²⁹ Na bongo—na bongo, ntango lisumu ekotaki, tomonaki ete moto akatisaki libulu monene. Mpe—mpe makila ya bangombe ná bantaba ezalaki kozipa, kasi ezalaki kolongola lisumu te. Kino Javel ya solosolo éya, oyo ekoki kolongola litóno ya lisumu mpe kopanza yango mpenza biteni-biteni, mpe kozongisa yango na mobebisi na yango ya ebandeli, elingi koloba Satana.

30 Ntango ezongi na Satana, ye azali kozela ntango oyo akolímwisama Seko. Sikawa, wana etalisaka eloko oyo biso tondimaka. Tondimaka ete akolongolama mpenza mpe akolímwisama na mobimba.

31 Nandimaka ete lisumu ekolongolama. Mpe soki eyambolami, na mobóko ya Makila ya Yesu Klisto, ezali lokola kotangisa litanga ya mai ya biki ya moindo na kati ya mai ya javel Clorox. Epanzaka yango na binama ya chimie, mpe ezongisaka yango mbala moko epai yango eútá. Bomoni? Mpe lolenge wana nde Makila ya Yesu Klisto esalaka.

32 Na bongo, yango nde ezongisaka moto na ngámbo ya libulu monene, lokola mwana na Nzambe. Bomoni? Na bongo a—na bongo akómi mo—mo...Ee, ata...Nguya na Nzambe oyo ekelaka ezali kati na ye. Mpe, mpenza, mbala nyonso oyo Nzambe akopesa yango mitindo ete ésala, ekosalema. Mpe tozongi wana. Ete ntango e—e... .

33 Mose, na nsé ya makila ya bangombe-mibali; mpe ntango akutanaki na Pole wana, Likonzi na Móto kati na nzete wana oyo epelaka móto. Mpe atelemaki, kuna, na etinda Nzambe apesaki ye. Mpe azalaki mosakoli. Mpe ntango Liloba ya Nkolo eyaki epai na ye, alobaki, mpe ata biloko ekelamaki na Liloba. Bomoni?

34 Sikawa, soki esali bongo na nsé ya oyo wana, makila ya bangombe-mibali, bongo Makila na Yesu? Ezali kozipa lisumu te; kasi kolongola yango nde, na mobimba. Mpe otelemi liboso na Bozali na Nzambe, lokola mwana oyo asikolami. Sikawa, bomoni, Lingomba ezali mpenza mosika na esika oyo esengeli kobika. Mpe nakanisi ete, mbala mingi mpenza, totatabanaka, na esika ya kokende mpenza kokutana na likambo yango.

Nazali na likambo moko oyo nalingi koloba, kasi na—nakoloba yango na ntango esengeli.

35 Sikawa botala eloko moko ezali kotambola malamumu te esika moko, na mangomba. Mpe nakanisi ete ezali ba-système ya ba-dénomination nde esili kobebisa makanisi ya bato, ná nyonso wana, na lolenge ete bayebi te ndenge ya kosala. Ezali bongo.

36 Kasi balakaki biso ete Ekomonisama. Sikawa, ezali na Bilembo Nsambo oyo Buku oyo ekangisami na Yango. Mpe Bilembo Nsambo yango sikawa... .

37 Na bongo nsima na Bilembo Nsambo oyo kosila, tomoni, na Emoniseli 10, ezalaki na baNkake Nsambo ya kokamwa oyo Yoane apesamaki etinda ya kokoma, kasi na nsima bapekisaki ye kokoma yango. Mpe na ntango ya baNkake yango, tomoni Klisto, to “Mwanje kokita ná monama, mpe kotia makolo na Ye likoló na mokili mpe na mbu, mpe akátaki ndai ete ntango esilaki koleka, na ntango yango.”

³⁸ Na nsima tomonaki—tomonaki, ete na ntango ya komonisama ya Bilembo yango, ete Mwana-mpate a—asilaki kotika mosala na Ye ya kolobela bato, lokola Molobeli, mpe ayaki sikawa mpo na kozua makoki na Ye, oyo nyonso Ye autaki kosikola na liwa na Ye.

³⁹ Mpe, boye, moto moko te akokaki kofungola Buku yango. Moto moko te asósolaki Yango. Ezalaki Buku ya Lisiko. Mpe Nzambe Tata, Molimo, asimbacki Yango na loboko na Ye, mpo Klisto azalaki na Ngwende lokola Molobeli, Molobeli bobele moko. Yango wana, ekokaki kozala na mosantu moko te, Maria moko te, Yosefe moko te, eloko mosusu te, na etumbelo wana, mpamba te ezalaki Makila. Mpe bobele Makila na Yesu nde ekokaki kosala mbondi, boye eloko mosusu te ekokaki kotelema lokola Molobeli. Ezali bongo. Ezalaki na eloko mosusu te.

⁴⁰ Boye, likanisi nyonso oyo ya kolobela bato epai na Yude mpo na politiki, mpe ya kolobela bato epai ya Santu Cécile mpo na likambo mosusu, wana ezali boléma. Ezali te. . . Na—nalobi te ete bato yango bazali motema sembo te mpe bazangi bosolo. Nalobi te ete bozangi bosembo, na kosaláká yango, soki bosalaka bongo. Kasi, bozali na libunga, na bosolo nyonso, bozali—bozali na libunga. Mpe nyonso. . .

⁴¹ Balobaka: “Ee, Mwanje oyo—oyo, oyo—oyo abimelaki Santu Bonifère mpe alobaki likambo *oyo*, *oyo wana* mpe *oyo mosusu*. Mpe basengelaki koloba *oyo boye*.” Natii yango ntembe ata moke te, na likanisi na ngai, ete moto moko amonaki emononeli yango. Na—natii ntembe te ete Joseph Smith amonaki emononeli yango, kasi elóngobanaki te na Liloba nyonso oyo etikali. Boye na yango, mpo na ngai, ezali mabe. Bomoni? Esengeli kolóngobana na Liloba nyonso oyo etikali.

⁴² Lolenge wana nde bileko ya lingomba ezali, ná Bilembo, mpe Yango nyonso oyo etikali. Ntango moto moko akanisi ete azali na baNkake Nsambo wana, soki yango elóngobani na Liloba nyonso etikali te, eloko moko ezali kotambola malamú te. Bomoni? Esengeli kolóngobana na YANGO ELOBI NKOLO, mpamba te *Oyo* nde Buku yango. *Oyo* nde Emoniseli ya Yesu Klisto, na mobimba na Yango.

Sikawa, na—nandimi ete na ntango yango nde Mwana mpate apusanaki.

⁴³ Bayebaki te. Yoane azalaki kolela. Amonaki moto moko te, na Likoló, na mokili, mpo bato nyonso bazalaki na ngámbo mosusu ya libulu monene, bomoni, lisumu. Ezalaki na moto moko te. . . Mpe Mwanje moko, na ntembe te, Akokaki kozala kolóngobana, kasi, ata bongo, esengelaki kozala Ndeko ya moto. Esengelaki kozala moto. Kasi eloko lokola moko azalaki te, mpo moto nyonso abótamáká na nzela ya koyebana nzoto.

⁴⁴ Asengelaki na Ye Oyo abotámi libanda na yango. Boye Nzambe Ye moko amemaki yango, na mbótama ya mongondo,

mpe akomaki Emanuele. Makila na Ye nde ezalaki, ee, Oyo elóngobanaki. Nsima na yango, ntango Ye akatisaki libulu monene yango, Ye moko, afutaki ntalo mpe atiaki gbagba na nzela mpo na biso nyonso, nsima na yango Afandaki wana, mpo na kozala Molobeli. Mpe Afándá wana.

⁴⁵ Mpe Buku yango ezalaki mpenza ya kokangama, na ntango nyonso wana. Ezali wana, kasi Ezali naino na bilembetele. Bamonaki Yango. Ata Yoane amonaki Yango. Liyebisi, ntango oyo ya liboso abimaki, alobaki: “Mpunda moko ya mpembe ebimaki; ememaki mobuti—mpunda moko; asimbaki litimbó na loboko.” Ezali elembetele. Yango emonisami te. Te. Ezali kaka elembetele. Mpe, lokola moto nyonso ya mokili, yango nde nyonso oyo akokaki koloba. Ya solo. Akokaki kobeta libaku mpe kotengatenga, na ntembe te, kobeta esika moko *awa to kuna*, nsima na mwa ntango.

⁴⁶ Kasi tomoni, nsima na yango, na Buku ya Emoniseli ete: “Na Nsango ya mwanje na nsambo, mabombami (mabombami na Yango nyonso) esengeli kosila komonisama na ntango yango.” Sikawa, wana ezali Emoniseli 10:1-7, ete Esengeli komonisama engebene na ntango yango, na ntango yango ntango Asalaki yango.

⁴⁷ Na bongo, baNkake nsambo eyokisaki mingongo na yango, mpe Yoane alingaki kokoma. Kasi, Yoane ayebaki oyo Yango ezalaki, kasi a—akomaki Yango te mpo bapekisaki ye kokoma Yango. Ezali mpenza, mpe na mobimba, libombami. Ezali ata na elembetele te to na eloko moko te. Toyebi kaka ete A... Engulumaki, esili.

⁴⁸ Sikawa, wana tozali koyekola oyo sikawa, bobosana te, sikawa, ete mokolo ya Lomingo, to na ntongo ya mokolo ya Lomingo, tokozala na liyangani ya kobondela mpo na babeli te mpo tokoyanola na—na mituna ya bato. Sikawa, nalingi ete ózala na motuna na ntina na Bilembo Nsambo oyo, soki ezali kotungisa yo, likambo moko oyo ozali kososola te. Ézala nde na ntina na Bilembo Nsambo. Na bongo nakoyeba, mokolo ya Mpóso na mpokwa, soki ekokoka mpo—mpo náyanola na yango, to te, bomoni. Boye, sikawa, tokolobela, ee, na ntina na likambo mosusu, to: “Nasengeli nde kosala *boye?*” To—to, okokaki kolóta ndoto. Nyonso wana, nyonso wana ezali makambo oyo tokoki kolobela, sikawa, bóbosana te. Ezali makambo oyo tokoki kolobela. Kasi tótikala kaka ná Bilembo Nsambo. Yango nde tozali kati na yango. Tó... Yango nde ntina li—liyangani oyo ebongisami, mpo na Bilembo Nsambo. Tótikala mpenza ná Yango.

⁴⁹ Nasengeli kozónge epai na ngai, nasengeli kosala mwa mayangani kuna na westi. Bongo nazonga lisusu, mwa moke nsima na sanza moko na ndambo to mibale, to eloko moko ya ndenge wana, mpe ntango mosusu Nkolo akopesa nzela

ete tókoka kosala likambo mosusu na ntina na yango, ntango mosusu liyangani ya kobondela mpo na babeli to eloko moko bongo na ntango yango, to nyonso oyo toko . . . ézala eloko soko nini.

⁵⁰ Na nsima tozali na baKelelo Nsambo awa, ezali kolanda, bomoni. Mpe nyonso wana ezali mpe kuna na kati. Mpe baMbeki Nsambo, bomoni, oyo esengeli kosopama. Boye, yango nyonso ekosangana awa, kasi nyonso wana ezali naino mabombami.

⁵¹ Sikawa, lobi na mpokwa . . . Tomoni ete Elembo ya Liboso ebimaki, mpe mobuti-mpunda . . . Mpe Nkolo . . . Boye, ya solo mpenza, natikálá koyeba yango te liboso. Ata moko te na makambo oyo nátikálá koyeba yango liboso. Ezali bongo. Mpe nayebi yango te.

⁵² Nakendeke kaka kuna, nazui Biblia mpe nafandi, mpe nafandi wana kino ntango Ekobanda kofungwama ndenge wana. Nazui bíki na ngai mpe nabandi kokoma. Mpe natikali kaka wana, mbala mosusu mpo na bangonga ebele, kino Eko—Ekosila.

⁵³ Na nsima nazongi, mpo nakoluka, námona epai wapi Alobáki likambo Yango. Nakanisaki: “Ee, emonani lokola namóná yango esika moko boye.” Nakozua buku ya concordance, nabandi koluka yango. “Eloko ya ndenge Wana ezali? Mpe tala Yango oyo *awa*. Na bongo tala Yango oyo *awa* lisusu. Mpe Yango oyo *awa*, mpe *awa*, mpe *awa*.” Na bongo nakangisi Yango. Nayebi ete ezali Nzambe, na ntango nyonso oyo Ezali kokokanisa Likomi ná Likomi. Lolenge wana nde esengeli kosalema. Kaka ndenge batongaka ndako, mabanga yango esengeli kokokana mpenza, libanga na libanga.

⁵⁴ Sikawa, lobi na mpokwa, tomonaki bofungwami ya—ya Elembo ya Misato. Ya liboso ezalaki mpunda ya mpembe, oyo elandaki ezalaki mpunda motane, na nsima mpunda ya moindo. Mpe tomonaki ete babuti yango bazalaki kaka mobuti yango moko, ntango nyonso; mpe ezalaki motemeli-na-Klisto, mpo na kobanda. Azalaki na—na motóle te, kasi azuaki moko na nsima. Mpe na nsima tomonaki ete nsima na yango apesamaki mopanga, mpo na kolongola kimia na mokili, mpe tomonaki ete asalaki yango. Na nsima ayaki ná biyambweli ya kopesa lingomba ná mbongo, na kopimáká *oyo* mpo na denali moko mpe *oyo* mpo na denali mibale. Kasi bapekisaki ye kosimba Mafuta mpe vinyo, oyo etikalaki kaka mwa moke.

⁵⁵ Na nsima topesaki, tosukaki lobi na mpokwa, na etaliseli ya oyo Mafuta mpe vinyo yango ezalaki, ná makambo oyo Yango esalaki. Mpe to . . . Ekokaki koyokana mwa makasi, kasi ngai . . . ezali mpenza Solo. Bomoni? Sikawa, tosukaki na . . . Tózongela yango lisusu mwa moke sikawa. Boye, tosukaki na nguya ya vinyo, oyo Mafuta etalisaki, Molimo. Sikawa, nabanzi ete bino nyonso bokomaki yango. Bokozua yango na bande, soki bokomaki yango te. Mpe bisika oyo Makomi elobi ete Mafuta

ezalaka ntango nyonso elembetele ya Molimo Mosanto. Ndakisa, bangondo ya zoba oyo bazángaki Mafuta, bangondo ya bwanya oyo bazalaki na Mafuta, elingi koloba Molimo Mosanto. Na nsima, tozongaki na—na ba—basakoli, mpe bongo na bongo. Sikawa na . . .

⁵⁶ Na ntembe te, nazoluka te kopesa biteni nyonso ya Makomi. Mpe ezali na makambo oyo tokoki ata kolobela te; ekozua ntango mingi mpenza. Kasi nazali koluka kotia awa, ná Makaomi mpe bongo na bongo, kaka oyo ekoki mpo na kopesa bato makoki ya koyeba mpe kozua elilingi ya likambo Yango. Kasi soki tokokaki kofanda mpenza ná moko na Bilembo yango, ee, oh, la la, tokoki kozua sanza mobimba ya mateya, mpokwa na mpokwa, kaka na Elembo wana, kasi kokóma ata na esika ya kobanda Yango te, bomoni, na moko na Yango. Mpe wana nde boni—boni mpenza Yango ezali. Kasi, tozali kolobela kaka bisika na Yango ya minene, mpo bókoka—bókoka komona oyo likambo Yango ezali.

⁵⁷ Sikawa, lokola Mafuta ezalaki elembetele ya Molimo Mosanto, na nsima tomonaki ete mafuta ná vinyo ezali na boyokani na kokumbamela, bomoni, ezali ntango nyonso na boyokani na kokumbamela.

⁵⁸ Mpe vinyo, nalobaki, ndenge eyelaki ngai, ete vinyo ezali elembetele ete ezalaki nguya ya—ezalaki nguya ya bopunjwami na emoniseli. Bomoni? Mpe na ntango wana nde eloko moko esili komonisama. Epesaka bopunjwami na mondimi, mpamba te etalisami na nzela na emoniseli. Bomoni? Ezali likambo oyo Nzambe asili koloba. Ezali libombami; bakoki kosósola Yango te, bomoni. Mpe, nsima na mwa ntango, Nzambe akiti mpe amonisi Yango, na nsima atatoli Yango.

⁵⁹ Bobosana te ete soki Solo emonisami, Solo yango mpe etatolami. Nzambe, ntango nyonso, ata moto yango azali na mayele ndenge nini, ata akómi na mayele ndenge nini na bongo na ye; soki Nzambe akokisi te oyo azali koloba, eloko moko ezali kotambola malamau te. Bomoni? Ya solo. Mpamba te, ezali Liloba.

⁶⁰ Sikawa, ntango Mose akendeki kuna na nsé na mpemela ya Nzambe, alobaki: “Tika ete banzinzi éya.” Banzinzi eyaki. Alobaki: “Tika ete magbolóló éya.” Magbolóló eyaki.

⁶¹ Bomoni, bongo soki álobaka: “Tika ete banzinzi éya,” mpe eyaki te? Bomoni, boye a—alobaki Liloba na Nkolo te, bomoni; alobaki alobaki na ye kaka, alobaki liloba na ye moko. Akokaki ntango mosusu kokanisa ete banzinzi esengelaki koya. Kasi, ata nzinzi moko te e—eyaki, mpo Nzambe ayebisaki ye yango te.

⁶² Mpe ntango Nzambe ayebisi yo likambo moko, mpe alobi: “Kende kosala *boye*, mpe Nakozala na likambo yango, mpo oyo ezali Liloba na Ngai,” mpe Alakisi yango na Biblia, na bongo Nzambe akotelema mpenza nsima na yango. Mpe soki ekomami na Biblia te, Nzambe akotelema nsima yango, ata bongo, soki ezali Liloba na Nzambe. Bomoni?

63 Na bongo soki ezali libanda na yango, emonisamaka epai na basakoli. Tosósoli ete mabombami nyonso ya Nzambe eyebisamaka na basakoli, mpe bobele na bango. Bomoni, Amosa 3:7.

64 Sikawa, sikawa, nguya ya emoniseli epesaka bopunjwami epai na mondimi. Mpamba te, nguya ya vinyo, vinyo ya mokili oyo, ezalaka mpo na konpunjwisa. Bomoni? Ezalaka mpo na—mpo na kopesa bopunjwami na moto oyo asili kolemba. Bomoni? Bomoni? Ee, boye, sikawa, nguya ya emoniseli ya Liloba, epesaka bopunjwami ya esengo epai na mondimi, bopunjwami ya kosilisa mposa, bopunjwami ete Ekokisami, ete Etalisami polele.

65 Na Makomi, ndenge tolingi kolobela yango, ebengami “vinyo ya sika.” Tobengaka yango ntango nyonso ndenge wana, lokola: “Bato oyo balángwe vinyo ya sika.” Bomoni? Malamu. To, “vinyo ya molimo,” nakanisi, nde ndimbola ya malamu koleka. Ezali “vinyo ya molimo.” Ndenge vinyo ya mokili oyo emimonisaka na nguya oyo epunjwami, vinyo ya sika mpe esalaka bongo, wana Ezali komonisa Liloba na Nzambe, oyo ezali Molimo. Oh! Sikawa ezali na . . . wana ezali . . . Bomoni, Liloba Yango moko ezali Molimo. Bondimi yango?

66 Tótánga yango. Tótánga yango na Santu Yoane 6. Tó . . . Iyo, na bongo bo—na bongo bo—na bongo bokoloba te: “Ee, sikawa, moto moko nde alobaki bongo.” Tó—tótala Nani alobaki yango, na bongo tokoyeba soki ezali Solo, to te. Santu Yoane, mokapo ya 6. Mokapo ya 6, mpe nabanzi ete ezali molongo ya ntuku motoba na- . . . 63, malamu, nakanisi ete ezali yango. Iyo.

Molimo ajali ye oyo akopesaka bomoi; mosuni ezali na lisungi te: maloba masili ngai kosololana na bino majali molimo, mpe majali bomoi.

67 Liloba Yango moko ezali Molimo. Ezali Molimo na lolenge ya Liloba. Na bongo, bomoni, ntango Epesami bomoi, to Ezongisami na bomoi, Molimo ya Liloba ekendaka kosala mosala mpe esalaka. Bomoni? Mpamba te . . .

68 Sikawa bóyoka. Likanisi esengeli kozala likanisi liboso ékóma liloba. Na bongo ntango likanisi etalisami, ezali liloba. Sikawa, oyo ezali likanisi ya Nzambe oyo Atiá kati na Liloba. Na bongo ntango toyambi Yango uta na Ye, Ekómi Liloba.

69 Nzambe amonisaki na Mose nini kosala. Mose alobaki yango, mpe esalemaki. Bomoni? Wana nde yango, ntango euti mpenza epai na Nzambe.

70 Sikawa tomoni ete—ete E—Epesaka bopujwami mpe Epesaka esengo, mpamba te Ezali Liloba na Nzambe. Mpe vinyo ya sika, vinyo ya sika epesaka bopunjwami na . . . ntango Emonisaka Liloba. Na bongo, epesaka esengo eleki ndelo, bambala mosusu. Toyekolaki yango, ete epesaka esengo mpenza kino otondisamaka ya koleka ndelo.

⁷¹ Sikawa, nayebi ete bilandálanda ezalaka mingi, mpe bato basalaka bisálélé. Nayebi ete mbala mosusu basalaka bongo ntango miziki ezali kotindika bipai na bipai, ná nyonso wana. Mpe nayebi ete esalemaka. Mpe ngai mpe na—nandimaka yango. Kasi namoná bato, kalakala, oyo na ntango nyonso oyo miziki ezali kobeta, bango nyonso bazalaki kopumbwa mpe kogánga; kasi ntango miziki ekatani, yango mpe ekatani. Bomoni? Nandimaka. . . Ee, ete, wana ezali mabe te, mpo na ngai, bomoni, na ntango nyonso oyo bato bazali kobika ndenge esengeli. Mpe. . .

⁷² Kasi, sikawa, ee, ntango obandi koteya Liloba! Sikawa, yango nde eloko oyo epesaka mpenza Bomoi, ezali Liloba, mpe yango nde epesaka esengo ya bopunjwami ya vinyo ya sika. Bomoni? Iyo. Mpe esalemaki bongo na Pantekote, ntango Liloba ekokisamaki.

⁷³ Sikawa bótala. Sikawa, Yesu ayebisáká bango, na Luka 24:49 ete: “Tala, Nakotinda elaka ya Tata na Ngai likoló na bino; kasi bókende na Yelusaleme mpe bózela kino.” Elaka ya Tata ezalaki nini? Yoele 2:28, ee, tomoni ete Alingi “kosopa Molimo.” Na Yisaya 28:19, lolenge oyo bakozala “koloba na bibebu ya likukuma, ná minoko mosusu,” mpe makambo nyonso wana.

⁷⁴ Bakendeki kuna. Ndenge toyekolaki yango, ntango mosusu moko alobaki: “Ee, nandimi ete tozeli ntango molai. Tóyamba yango kaka na kondima.” Wana ezalaki mateyo malamumu ya ba-Batiste, kasi esimbaki te na bandeko oyo wana.

⁷⁵ Boye, eloko ya liboso boyebi, esengelaki kokokama. Mpe mpo na lotomo na bango, bazalaki ete Liloba ékokisama. Mpe ntango oyei koluka Molimo Mosanto, yo sala ndenge moko.

⁷⁶ Iyo, okoki koyamba yango na nzela ya kondima. Osengeli koyamba Klisto na nzela ya kondima. Ezali mpenza bongo. Mpe boyambaka Molimo Mosanto na nzela ya kondima; kasi na nsima tika ete Molimo Mosanto áya kokata yo ngenga, lokola litatoli ete Asili koyamba kondima na yo, bomoni. Na bongo, bomoni: “Abraham andimelaki Nzambe, mpe etángamelaki ye lokola boyengebene.” Kasi Nzambe apesaki ye elembo ya kokátama ngenga, lokola litatoli ete Asilaki koyamba kondima na ye.

⁷⁷ Boye tosengeli kosala ndenge moko. Tosengeli kotalela Molimo Mosanto, kino Akosala likambo moko; ezali kaka te mpo tolobaki minoko na sika, ezali te mpo tobinaki, toléngaki, to mpo togángaki. Kino tobongwanaki; kino likambo moko esalemaki mpenza! Ata eyei na lolenge nini. Ékokisama nde, yango nde likambo ya motuya. Bomoni?

⁷⁸ Mpe nandimaka ete koloba minoko na sika ná makambo mosusu nyonso oyo ezali na yango mabe te, kasi kaka yango moko ekosimba te. Mpe oyebi ete ekosimba te. Boye, ekoki kosala yango te.

⁷⁹ Namóná bandoki koloba minoko na sika, namóná banganga-nkisi koloba minoko na sika mpe kobina na molimo. Ya solo mpenza. Bazalaki kotia ekomeli na nsé mpe ebandaki kokoma na monoko oyo eyebani te. Mpe moto moko azalaki kolimbola yango, ya solo, mpe azalaki koloba solo. Ezali bongo. Ekomaki mpenza likambo oyo eutaki kosalema, mpe esalemaki mpenza bongo. Namóná bango komibwakela putulu na motó, mpe komizokisa na bambelí, mpe kozipa yango na mobimba na makila ya gnou to eloko moko bongo, mpe—mpe, ya solo mpenza, bomoni, mpe kobelela zabolo. Boye, bomoni, oyo wana te. . .

⁸⁰ Koloba minoko na sika esalaka yango te. “Ata nalobi minoko ya bato ná ya Banje, soki nazángi bolingo, ezali na ntina moko te. Bomoni, ata nakoki kosala yango!” Bomoni? Boye makambo yango elakisaka te ete ozali na Molimo Mosanto.

⁸¹ Kasi ntango Ye, Moto yango, mo—Molimo ya Klisto oyo ekufaka te, akómi Mobikisi na yo mpenza, mpe abongoli yo, mpe abaloli miso na yo mbala moko na Kalvari mpe na Liloba oyo, eloko moko esalemi. Iyo, misie. Likambo moko esalemi. Moto moko te asengeli koyebisa yo yango. Okoyeba yango ntango ekosalema.

⁸² Mpe vinyo ya sika, ntango epesi emoniseli, na ntango yango E—Emonisami.

⁸³ Mpe lolenge wana nde ezalaki na Pantekote. Bayebaki ete—ete Molimo moko esengelaki kosopama likoló na bango, mpe bazalaki kozela kino ntango oyo esalemaki. Mpe ntango botatolami ya emoniseli ekokisamaki, na ntango wana bazuaki bopunjwami. Ya solo mpenza. Bango mpe batokotaki. Bango, babimaki mbala moko na babalabala; esika oyo liboso bazalaki kobánga, mpe bakangaki bikuke. Mpe babimaki na babalabala; esika oyo liboso bazalaki kobánga lipinga ya bato; bakómaki koteya bango Nsango-malamu! Ya solo. Bomoni? Likambo moko eutaki kosalema, mpo Liloba ya solo ya elaka ekokisamaki.

⁸⁴ Sikawa tótelema naino awa. Soki wana ebotaki mbano ya malamumu mingi epai na bato wana, na lolenge ete ba—ba. . . Pene na bango nyonso mpenza bakangisaki litatoli na bango ná makila na bango. Ata eloko nini ekómelaki bango na nsima, ntango nyonso oyo bazalaki na bomoi, batikálá kowanganaki Yango te. Ezalaki kaka wana, mpo ezalaki Liloba ya solo ya elaka, oyo etatolami. Emoniseli ekomaki ya kotatolama. Mpe bakufaki na kokangisáká litatoli na bango ná makila na bango moko.

⁸⁵ Sikawa bótala elaka ya mikolo ya nsuka. Mpe awa tozali komona yango kotatolama liboso na biso, bo—boyei ya Molimo Mosanto sikawa, ná misala oyo Asengelaki kosala, tozali komona yango katikati na biso mpenza. Bomoni? Oh, tosengelaki. . . Oh, la la! Ndenge nini tokoki koyoka? Likambo moko ezali kosalema, nayebisi yo, moninga! Ntango mondimi ya solosolo, ya solo, ya

sembo, oyo abongisámá liboso, ntango Pole yango ebeti momboto wana, eloko moko ebimisi Bomoi ya sika, nokinoki. Mwasi wana na libulu ya mai!

⁸⁶ Na ntango oyo, banganzambe wana batángá mingi bazalaki koloba: “Ee, wana ezali zaboló. Azali moto na solóka. Azali—azali bobele koyebisa bato makambo oyo ekokómela bango. Mpe azali—azali molimo mabe.”

⁸⁷ Kasi, na ntango wana, mwasi yango azalaki momboto oyo ebongisámá liboso! Sikawa bokanisi ete ezali bongo te? Kasi Yesu alobaki: “Moto moko te akoki koya, soki Tata na Ngai abendi ye te; mpe baoyo nyonso Tata apésá Ngai bakoya.” Mpe Ye. . .

⁸⁸ Mpe motemeli-na-Klisto, na mikolo ya nsuka, akozala na makoki. . . Molimo ya motemeli-na-Klisto oyo tozali koyekola, kati na ba-dénomination, mpe totalisaki polele ete ba-dénomination ezali motemeli-na-Klisto. Sikawa, koleka wana, moto nyonso oyo akoki kobima awa ndenge wana, eloko moko ezali kotambola malamú te, soki akóbi kondima ete dénomination ezali motemeli-na-Klisto te. Na ntango oyo, etalisámá polele ete, na histoire, na makambo nyonso, na kati ya Biblia mobimba ya Nzambe ná makambo nyonso mosusu, ete ezali motemeli-na-Klisto. Mpe Roma nde mokonzi na yango. Mpe bana na ye ya basi, mangomba, ezali kolanda mpenza. Mpe bango nyonso mibale bakobwakama na móto. Ya solo. Boye, tomoni likambo oyo, motemeli-na-Klisto, molimo na yango.

⁸⁹ Mpe na mokolo oyo tozali kobika kati na yango, mpe, ee, esengeli kopesa “esengo oyo ezangi-maloba mpe etondi na nkembo.” Mwasi yango, kaka ntango ebetaki ye, oh, momboto yango ebimaki nokinoki!

⁹⁰ Sikawa, bómikanisela, Biblia elobi ete na mokolo ya nsuka, motemeli-na-Klisto yango “akopengwisa mokili mobimba.”

⁹¹ Ekozala kaka na motango moke, baoyo bankombo na bango ekomamaki na Buku na Bomoi ya Mwana-mpate liboso na kozalisama ya mokili. Mpe ntango litatolami ya solo, ya Solo oyo emonisami, ya Liloba na Nzambe ebeti motema wana, akopota mbangu na mai, mpe akokende kuna kozua Molimo Mosanto, na lombangu nyonso. Mpe bokoki kopekisa ye kosala yango te, mpo Bomoi ya sika esili kosala mosala.

⁹² Nazalaki kosolola ná moto moko, eleki ntango molai te, azalaki koluka kowelana ná ngai, mpe koloba: “Ozoyoka nsoni te mpo na koloba ete Nzambe akelaki likoló ná mabelé na mikolo misato?” Ngai. . . To: “. . . na mikolo motoba?”

Nalobaki: “Yango nde Biblia elobi.”

⁹³ Alobaki: “Ee, tozali na ndanga mpe tokoki kotalisa polele ete mokili ekómi na ba-milió ya mibu.”

⁹⁴ Nalobaki: “Wana etalaki yango na eloko moko te. Na Genese 1:1, Elobami: ‘Na ebandeli Nzambe azalisaki likoló mpe mabelé.’ Esuki wana! Esili, bomoni. ‘Sikawa, mokili ezalaki na lolenge te, mpe mpamba.’” Mpe nalobaki: “Nandimaka ete mimboto nyonso esilaki kozala wana, uta na civilisation mosusu to eloko mosusu. Mpe kaka ntango mai elongwaki, mpe pole ebetaki yango, banzete ná biloko nyonso ebimaki.”

⁹⁵ Mpe ezali ndenge moko ná moto, ezali elilingi. Soki lo—lo—londende esili, mpe Solo oyo emonisami epai na momboto ya solo oyo elali wana, ezali naino ya kotóisama, mpe Pole ya Nsango-malamu ekoki kobeta yango na nzela na kotatolama ya solo ya Liloba, ekozua bomoi. Ezali na Bomoi kati na yango. Ekondima. Libanda na yango, ekoki kozua bomoi te; ezali na Bomoi te kati na yango.

⁹⁶ Bankombo oyo ekomamaki na Buku na Bomoi ya Mwana-mpate liboso na kozalisama ya mokili, ekoya, na ntembe ata moke te. Yango wana Yesu afandi Kuna mpe azali kozala momboto wana ya nsuka, na mosala na Ye ya kolobela bato. Mpe Akoyeba mpenza ntango oyo ekobeta momboto yango.

⁹⁷ Ndenge Dr. Lee Vayle...Nabanzi ete azali naino na liyangani, esika moko boye. Namoni ye te mikolo oyo. Nandimi te ete namonaki ye. [Ndeko moko alobi: “Azali awa.”—Mok.] Azali awa. Ee, mokolo mosusu wana atindelaki ngai mwa lokasa oyo, na ntina na oyo Irénée alobaki. Ee, naponaki Irénée, na ntembe ata moke te, azali mwanje ya eleko oyo abikaki kati na yango. Kasi alobaki: “Ntango mondimi ya nsuka akokóta na Nzoto,” na eleko oyo ya nsuka, “esengeli kozala...likambo yango ekomonisama na ntango wana.” Mpe yango oyo. Ezali mpenza bongo. Bomoni? Tokómi na mokolo yango. Malamu.

⁹⁸ Boye, bato ya Pantekote batóndaki na esengo. Bazalaki mpenza ya kopunjwama. Nakanisi ete esalaka bongo na moto nyonso.

⁹⁹ Tózua naino mwa ntango. Tókanisa Dawidi. A—akomaki ya kopunjwama mpenza. Alobaki: “Kopo na ngai etondi meké.” Nandimi ete likambo moko ya monene mpenza e—esalemaki na bomoi na ye. Nini, eloko nini esalaki ete ásala yango? Ntango azalaki kati na Molimo...Mpamba te, azalaki mosakoli. Toyebi ete azalaki yango. Biblia nde elobi bongo. Mosakoli Dawidi, sikawa, mpo azalaki mosakoli, azalaki kati na Molimo, mpe amonaki lisekwa. Soki bokolinga kotánga yango, ezali na Nzembo 16:8 kino 11. Alobaki: “Nzoto na ngai mpe ezali na esengo. Oh, la la! Na—nakopema na elikia, mpo Okotika elimo na ngai na ewélo te; mpe Okotika te ete Mosantu na Yo ápolá.” Mpe nalobi na bino, kopo na ye etondaki meké, mpamba te amonaki. Ata ezalaki nini; oh, amonaki lisekwa, mpe akómaki mpenza... mpe kopo na ye etondaki meké.

¹⁰⁰ Lisusu, David azalaki na kopo mosusu oyo etondaki meké, na Samwele ya Mibale, (lokola bobimisi bikomeli na bino), Samuele 6:14. Bokauki moko eutaki kozala kuna.

¹⁰¹ Bamemaki sanduku yango. Monguna ayaki kuna mpe akamataki sanduku na Nkolo, bamemaki yango kuna mpe batiaki yango liboso na Dagona, mpe Dagona akweyaki elongi na nsé. Bamemaki yango na engumba mosusu, mpe malózi ebetaki engumba yango. Ezalaki...Ezalaki eloko ya móto makasi koleka nyonso oyo basiláká kosimba na maboko na bango, kuna. Mpe bazalaki kokoka kokabwana na yango te, mpo ezalaki na esika na yango te.

¹⁰² Sikawa, batiaki yango na likálo ya ngombe, mpe babandáki kozonga na yango. Mpe ntango Dawidi amonaki sanduku yango ezalaki kozonga, boyebi eloko nini asalaki? A—atondisamaki mingi, mpe kopo na ye ebandaki kosopana; bopunjwami! Ntango amonaki Liloba kozonga komonisama lisusu na Yisraele, abinaki na Molimo, azalaki kobaluka, kobaluka, kobaluka, kobaluka, kobaluka, ndenge wana. Iyo. Kopo na Ye etondaki meke mpe ekomaki kosopana, bomoni. Mpo na nini? Amonaki Liloba kozonga.

¹⁰³ Nakanisi ete yango esengeli kopesa na bato nyonso mwa bopunjwami, ntango bazali komona, nsima na mibu nyonso oyo; ete Liloba ya solo, na nzela na elaka oyo epesamaki, ezali koteyama mpe kotatolama. Oyo nde ntango solo! Oyo nde ntango solo!

¹⁰⁴ Sikawa tótánga. Soki na—nakobi kaka na koloba, nakokóma na likambo oyo te, mpe nakoumisa bino awa kino ngonga ya ntuku mibale na mibale na ndambo. Nabimisaki bino na ntango malamuni lobi na mpokwa, boye nasengeli koumisa bino mwa ntango molai na mpokwa oyo. [Losambo balobi: “Amen.”—Mok.] Iyo. Iyo. Te, nazalaki kaka kotúmola bino. Bomoni? Naza... Tolingi kaka ete ésalema ndenge Nkolo akokamba. Sikawa:

Wana efungolaki ye elembo na minei, nayokaki mongongo na ejali-na-bomoi na minei koloba ete, Yaka...komona.

¹⁰⁵ Sikawa: “Ntango Mwana-mpate afungolaki Elembo ya Minei.” Tótelema wana sikawa. Elembo ya Minei, sikawa, Nani afungolaki Yango? Mwana-mpate. Moto mosusu abongaki nde? Moto mosusu akokaki kosala yango te. Te. Mwana-mpate nde afungolaki Elembo ya Minei.

¹⁰⁶ Mpe e—Ezali-na-bomoi ya minei, Ekelamu na bomoi ya lokola mpongo, alobaki na Yoane: “Yaka, komona eloko oyo libombami ya minei ya mwango ya lisiko ebómbáki kati na Buku oyo,” mpo Mwana-mpate azalaki kofungola Yango. Na elobeli mosusu, yango nde oyo azalaki koloba. “Libombami moko ya minei ezali awa. Nalakisi yo yango, na elembetele. Sikawa, Yoane, nayebi te soki osósolaki Yango, to te.” Kasi, akomaki

oyo azalaki komona, kasi ezalaki libombami. Boye, akomaki oyo azalaki komona.

¹⁰⁷ Mwana-mpate azalaki kobuka Bilembo yango, kasi Nzambe alingaki naino komonisa Yango te. Etikalaki mpo na mikolo ya nsuka. Bomoni? Sikawa, tozalaki na bilembeteli, mpe tolukaki koyekola yango, mpe na bantango moko tosalaki likambo ya malamumu, bomoni. Kasi toyebi ete Ezalaki kokóba kokende liboso. Kasi sikawa, na mikolo ya nsuka, tokoki kobwaka miso na nsima mpe komona esika oyo Yango ezalaki. Mpe yango nde esengeli kosalema na nsuka ya eleko ya lingomba, kaka liboso na Konétolama.

¹⁰⁸ Ndenge nini moto akoki koloba ete Lingomba ekoleka na Monyoko, nayebe te. Kasi mpo na nini Yango esengeli koleka na Monyoko, na ntango oyo Yango ezali na—ezali na lisumu moko te? Nalingi koloba . . . Nalingi koloba lingomba te; lingomba ekoleka na Monyoko. Kasi nazolobela Mwasi na libala nde. Mwasi na libala, te, Azali na lisumu ata moke te oyo etelemeli Ye. Asilá kopetolama mpenza, mpe ezali ata te na—na . . . Ata nsolo na yango ezali te, mpe eloko moko te etkálá. Bazali ya kobonga be, liboso na Nzambe. Boye, mpo na nini báleka na Minyoko mpo bápetolama? Kasi bamosusu bakoleka na yango. Lingomba ekoleka mpenza na Monyoko, kasi Mwasi na libala te.

¹⁰⁹ Sikawa, sikawa tomonaki yango na bilembetele ya ndenge na ndenge. Ndakisa, li—lingomba, Noa, elilingi ya baoyo bamemamaki likoló na mai, abimaki, akweyaki na lisumu. Bomoni, sikawa, balekaki mpenza. Kasi, Enoka akendeki liboso, ye azalaki elilingi ya basántu oyo bakokota, liboso na ntango ya Monyoko.

Sikawa tomoni ete Mwana-mpate afungolaki Elembo yango.

¹¹⁰ Sikawa, Ezàli-na-bomoi ya liboso oyo tomonaki, soki botali malamumu, Ezàli-na-bomoi ya liboso oyo tomonaki, ezalaki . . . Ezàli-na-bomoi ya liboso ezalaki nkosi, Ekelamu na bomoi; tomonaki yango na buku ya bilem- . . . ya bileko ya lingomba. Na nsima Ezàli-na-bomoi ya mibale, nabanzi, ezalaki—elongi na elongi ya ngombe mobali, to ya mwana-ngombe. Mpe Ezàli-na-bomoi ya misato ezalaki na elongi ya moto. Kasi Ezàli-na-bomoi ya minei ezalaki na elongi ya mpongo. Sikawa, lolenge wana mpenza nde tomonaki bango, balandanaki mpenza ndenge wana. Mpe lolenge wana mpenza nde esili kotiamu, na Buku awa.

¹¹¹ Bongo, mokolo moko, molakisi monene moko azalaki koteya malakisi na Floride, azalaki koloba ete—ete bu . . . ete “Buku ya Misala ezalaki kaka bo—botango ya mpamba mpo na—mpo na Lingomba. Ete Lingomba ezumaki na baNsango-malamumu minei.”

¹¹² Kasi tomonaki, na lisológó, ete baNsango-malamumu minei nde ezali kobatela Buku ya Misala. Uta na baNsango-malamumu minei yango nde Buku ya Misala ekomámá, misala ya Molimo

Mosanto kati na bantoma. Mpe tomonaki, na kati ya Buku, ete babateli bazalaki wana, bazalaki kosenzela; na esti, na nordi, na westi mpe na sudi. Boyebi lisusu ndenge toyemaki yango awa? Mpe na ndenge biloko nyonso epesaki mpenza kitoko mpe ya kobonga be mpenza!

113 Sikawa nalingi ete bótala malamau. Alobaki: “Yaka kotala.” Yoane... Sikawa nalingi ete ótala lisusu, liboso na yango. Sikawa, oyo awa nde oyo ya nsuka ya babuti-mpunda, mpo na komonisa lolenge ya kosala ya motemeli-na-Klisto.

Lobi na mpokwa, tokolobela milimo oyo ezali na nsé ya etumbelo.

Na mpokwa oyo ekolanda, tokolobela kosambisama.

114 Na mpokwa oyo ekolanda, tokolobela bokei, nsu—nsuka ya eleko, nsuka ya ntango, ya makambo nyonso, bomoni, ntango Akonetolama. Na yango, mpenza kuna na Elembo ya Nsambo nde Bakopo ekosopana, mpe nyonso mosusu ekosopama. Oyo yango ezali, nayebe te.

115 Bótala. Kasi sikawa, na likambo oyo awa, tomoni ete moto oyo awa azali mpongo, moto oyo... to Ekelamu na bomoi oyo, oyo tomoni koya awa sikawa. To, na elobeli mosusu, ezali na bileko minei ekeseni ya Yango. Eleko moko ezalaki ya nkosi. Mpe, tomoni ete oyo ezali eleko ya minei.

116 Mpe alobaki: “Yaka komona libombami ya minei ya Buku ya Lisiko, oyo ebombámáki kati na Buku oyo. Yaka komona.” Bongo Yoane akendeki kotala, mpe amonaki mpunda ya lángi lokola mpondu. Mpe, lisusu, mobuti yango moko likoló na mpunda oyo ya lángi lokola mpondu.

117 Sikawa azali na nkombo moko, nkombo na ye Liwa. Sikawa bótala. Mobuti-mpunda mosusu te, to bampunda mosusu te, to ata mbala moko te ntango mobuti-mpunda oyo azalaki likoló na mpunda, bazalaki na nkombo te; moto yango azalaki na nkombo te. Kasi sikawa nkombo na ye Liwa. Elobelami te. Bomoni? Amonisami nde sikawa. Oyo ye azali, ezali liwa.

118 Ee, tokokaki mpenza kozua ntango molai mpo na koteya yango, mpo na kotalisa yango mpenza polele! Kasi nyonso oyo ezali kotelemela, oyo ezali kotelemela oyo ya solosolo, esengeli kozala liwa. Mpamba te, makambo ezali kaka mibale, yango ezali Bomoi ná liwa. Ezali kotalisa polele ete emoniseli ya Molimo Mosanto ya likambo oyo, na eleko oyo, ezali mpenza Solo. Motemeli yango, azali liwa. Mpamba te, Liloba, ndenge tokomona yango na nsima awa, ezali Bomoi. Bomoni?

119 Mpe moto oyo, nkombo na ye Liwa. Sikawa, elobamaki te na bambala misusu, na ntina na mobuti-mpunda oyo. Kasi, kobanda sikawa, elobami ete nkombo na ye Liwa.

120 Kasi na ntango ya emoniseli ya nkosi... Sikawa bótala malamau. Sikawa nalingi kotánga yango na bokebi, mpo

nándimisama mpenza; nakomaki moko na bisika yango, ezali awa. Na ntango, na ntango ya emoniseli ya eleko ya nkosi te, to ya eleko ya liboso, eleko ya ebandeli, Yango emonisamaki te. Eleko oyo elandaki ezalaki eleko ya ngombe mobali, elingi koloba eleko ya molili, eleko ya katikati, emonisamaki te oyo Yango ezalaki. Mpe Ezàli-na-bomoi oyo azalaki lokola moto, ya bwanya, ezalaki kotalisa ba-réformateur, Luther, Wesley ná bamosusu, Emonisamaki te. Kasi na eleko ya mpongo, eleko ya nsuka, eleko ya lisakoli, epai liloba ya lisakoli esengeli koya, bomoni, epai ya oyo basekele eyelaka ntango nyonso! Sikawa na esika wana nde biso. . .

¹²¹ Tokolobela yango mwa moke na bolai, na mpokwa oyo, mpo bósosola yango malamumu mpenza. Sikawa, bambala mingi, bokomona ete ba . . . Nazali kaka koloba na etonga oyo ezali awa te. Ba-bande oyo ekendeke bisika nyonso, bomoni, mpe nasengeli kotalisa yango polele. Mpamba te, soki moto moko azui kaka bande moko, kasi azui ba-bande mosusu te, akozala na mobulu, bomoni. Nzambe alakaki likambo Oyo, bomoni, mpo na mokolo oyo, mpo na nsuka, mpo na kosukisa makambo nyonso ya ndenge na ndenge oyo esalémá mpe ezalaki na mobulu. Tokómi. . .

¹²² Tozwá minkóto ya Eliya. Tozwá banzambala ya Eliya. Oh, bato mosusu ba . . . John Alexander Dowie, bakundá ye kuna, balatisaki ye nza—nzambala. Azalaki koloba ete ye nde Elisa. Mpe tomóná lolenge nyonso ya makambo ya ndenge wana. Ezali nini, ata bongo? Ezali kaka mpo na komema bato mosika na Solo oyo ekopesama. Bomoni? Bayambaki ba-klisto ya lokuta, liboso ya ntango ya Yesu. Bomoni? Basalaka yango ntango nyonso. Ezali Satana, kopesaka oyo ya lokuta, mpo na kobúlunganisa makanisi mpe kondima ya bato, liboso likambo yango mpenza ésalema. Esili.

¹²³ Gamaliele alobaki ndenge moko te na Bayuda mokolo wana? Alobaki: “Moto moko ayaki, oyo alobaki ete azali Moto yango, boye te? Mpe bamemaki bato nkama minei na lisobe. Bakufaki, mpe bongo na bongo.”

¹²⁴ Alobaki: “Etápe nyonso oyo Tata na Ngai na Likoló alóná te,” Yesu alobaki, “ekopikolama.”

¹²⁵ Gamaliele alobaki: “Bótika bango. Soki bango, soki euti na Nzambe te, ekosuka na nzela, boye te? Kasi soki euti na Nzambe, na bongo, bokobundisa nde Nzambe.” Moto yango asalelaki bwanya. Azalaki molakisi.

¹²⁶ Sikawa bótala. Sikawa, mpo na kosukisa mabombami nyonso oyo, Nzambe alakaki ete Elisa ya solosolo akoya, moto moko oyo apakolami na Molimo yango, mpe akomonisa yango. Alakaki yango na Malaki 4. Nakomaki makambo mpe nazali na mikanda oyo elobi ete ezali bongo te, kasi nakosepela kosolola ná moto yango. Bomoni? Ee, bokoki kowangana yango te. Moto

na likindo nyonso, ya solosolo mpe ya malamumu, ayebi ete ezali Solo, bazali kozela nde yango.

127 Kasi ekosalema kaka ndenge esalemaki mpo na Yoane, oyo ayaki liboso na boyei ya mbala ya liboso ya Klisto. Ee, bayebaki ye te, mpo ezalakai na makambo mingi ya nkembo, oyo esakolamaki na ntina na ye. Ee, asengelaki “kokitisa bisika nyonso ya likoló, komatisa bisika nyonso ya nsé, mpe kobongisa bisika nyonso ya kokoto-kokoto.” Mpe, oh, ye. . . Basakoli: Yisaya, mibu nkama nsambo na zomi na mibale liboso ya mbotama na ye; ná Malaki, mibu nkama minei liboso ákota na mosala; yango nyonso basakoláká na ntina na ye. Mpe bazalaki kozela ete gbagba moko ékita longwa na Likoló, mpe mosakoli yango ábima ná lingenda na ye na loboko, uta na Nzambe.

128 Kasi likambo nini esalemaki? Moto oyo bino . . . akokaki ata kolakisa kálali ya lingomba te. Akokaki kolakisa mokanda ya lisanga moko te. Azalaki kobika kuna na lisobe; atángáká ata na kelasi moko te. Ba-historien bayebisaka biso ete akendeki na lisobe ntango akómaki na mibu libwa, nsima na liwa ya tata ná mama na ye. Mpe atelemaki . . . Mosala na ye ezalaki na motuya mingi, akokaki kobebisa ntango na likindo moko boye te. Asengelaki—asengelaki kotalisa Masiya.

129 Nzambe akokaki kosalela te moto oyo atóndá na likindo. Akoki kosala yango te, mpo akoluka ntango nyonso kozongela yango. Yango nde batángísá ye. Akoluka kozonga na yango. Boye, soki abandi komona eloko moko, akoluka kozongela oyo balakisi balobáká. Ekozala malamumu ete ózala mosika na makambo wana, mpe óndimela kaka Nzambe.

130 Mpe tomoni ete bazangaki koyeba ye. Ata bantoma oyo bazalaki wana, bazangaki koyeba ye. Ee, balobaki: “Mpo na nini Makomi elobi, bakomeli balobaka ete Eliya . . .”

131 Alobaki: “Ee, asilaki koya, kasi boyebaki ye te.”

132 Mpe na esika wana nde nalongobanisaka lisekwa, to Konetolama. Ekosila koleka, kasi bango bako. . . Nayebi ete eyokani ndenge mosusu. Kasi ntango mosusu bokoyeba mwa moke koleka nsima na mpokwa oyo, soki Nkolo alingi, ndenge ekosalema mpenza, bomoni. Ekozala mpenza sekele, moto moko te akoyeba yango, tólóba. Mokili bakokanisa kaka, ekokoba kaka ndenge ezalaka ntango nyonso, bomoni, mpe. . . Lolenge wana nde Asalaka yango ntango nyonso.

133 Boyebi, nandimi te ete moko—moko. . . Náloba, moko na ntuku libwa likoló na mokama ya bato na mabele, nde batikálá koyeba ete Yesu Klisto azalaki awa, ntango Azalaki awa. Boyebi, ntango Eliya asakolaki, nandimi te soki moto moko mpenza ayebaki ete azalaki. . . Bayebaki ete moto moko ya liboma moko azalaki kuna, fanatiki moko boye, kasi bazalaki koyina ye. Ya solo mpenza. Azalaki oyo bazalaki kobenga moto ya ndenge.

¹³⁴ Mpe nakanisi Moklisto nyonso oyo abotámá mbala mibale azalaka lokola moto ya ndenge, mpo na—mpo na mokili, mpo obóngwáná. Oúti na mokili mosusu. Molimo na yo eúti na ngámbo mosusu ya libulu monene. Mpe likambo oyo awa ezali mpenza mobulungano, soki ozali—soki ozali ndenge mosusu te, eloko moko ezali kotambola malamú te; yo, okangami naino mingi koleka na mokili. Makanisi na yo esengeli kozala ya Likoló. Mpe Likoló ebikaka na nzela na Liloba.

¹³⁵ Sikawa, tomoni ete li—likambo monene oyo esalemaki. Sikawa, tondimi ete Molimo ya Elisa ya solo esengeli koya. Esilá kolobama ete ekoya, bomoni. Mpe tosengeli komikanisela ete ekoya, na eleko mpe ntango na yango moko. Ntango mosusu tozali kotia mobóko mpo na yango sikawa. Mpe yango, te... ekozala ebongiseli te.

¹³⁶ Na—nayokanaka te ná moninga na ngai moko ya malamú, na ntina na yango. Ye alobaka ete ekozala etonga ya bato. Nalingi ete bólákisa ngai yango na Makomi. Nzambe, Nzambe oyo abongwanaka te, abongolaka miango na Ye ata moke te. Soki Asali yango, na bongo Azali Nzambe te; ya solo, mpo Azali oyo akufaka, mpe Ayebaka kaka lokola ngai, mpe Asalaka mabunga.

¹³⁷ Nzambe atikálá kobóngola naino mwango na Ye te, kobanda ntango wana na elanga ya Edene. Abongisaki mwango mpo na lisiko; yango ezalaki Makila. Mpe tomeká mayele ya kelasi. Tomeká dictature. Tomeká psychologie. Tomeká bodénomination. Tomeká nyonso, mpo na kosangisa bato nyonso, to kolinga bato nyonso elongo, ná nyonso mosusu. Esika mosusu ya bondeko ezalaka te, bobele na nsé ya Makila, yango nde esika bobele moko oyo Nzambe akutanaka ná moto.

¹³⁸ Nzambe asalaka ntango nyonso ná moto bobele moko. Bato mibale bazalaka na makanisi mibale. Etikálá kozala na basakoli minene mibale na mokili, kosakoláká na ntango moko. Bózonga kotala mpe bótala soki esalémá. Te, mesie. Ekotia mobulu mingi koleka! Asengeli kozua moto bobele moko oyo amipesi mobimba, mpe kosalela moto yango. Alukaka moto yango.

¹³⁹ Kasi moto moko akozala, mokolo moko, moto oyo akoyoka Ye, Liloba nsima na Liloba. Ata moto mosusu alobi nini, bango baktika Yango ata moke te. Ya solo. Bakotalela YANGO ELOBI NKOLO. Na bongo, bakosala eloko moko te soki eyei te. Akotatolama malamú mpenza. Boko...

¹⁴⁰ Sikawa, bato ya libanda bakoyina yango, kasi Momboto oyo eponámá, Momboto oyo ebongisámá liboso, lokola baoyo bazalaki na mikolo ya Yesu, ntango Pole yango ekopela, Momboto yango ekozua Bomoi, mbala moko *boye*. [Ndeko Branham alelisi misapi na ye—Mok.] Bakoyeba Yango. Bakososola Yango. Bokozala na ntina te ya koloba liloba moko na ntina na Yango.

141 Alobaki: “Misie, namoni ete Ozali Mosakoli. Nayebi ete ntango Masiya akoya, Asengeli. . .”

Alobaki: “Ngai nazali Ye.”

142 Oh, wana, wana ekokaki. Azalaki na ntina te ya kozela butu mobimba, mpe kozela butu oyo elandaki. Ayambaki Yango mbala moko. Akamataki nzela na ye. Azalaki koyebisa bango na ntina na Yango.

143 Sikawa bómikanisela, sikawa, na eleko ya liboso, ezalaki eleko ya nkosi. Wana ezalaki Nkosi ya libota na Yuda, Klisto. Kobendama ya Bomoi na Ye moko, ekonzaki eleko yango. Yango nde *Ezàli-na-bomoi* ya liboso, elingi koloba “Nguya,” oyo eyanolaki na mongongo ya moto.

144 Eleko elandaki ezalaki eleko ya ngombe mobali, to eleko ya mobuti-mpunda ya moindo. Bomoni?

145 Sikawa, ntina oyo eleko ya liboso ezalaki eleko ya mpembe, ezali ete. . . Ndenge—ndenge nayokaka ntango nyonso bato koloba ete mobuti-mpunda ya liboso, ya mpembe, ezalaki nguya ya lingomba, oyo ekendeki mpo na kolonga. Mpe tomonaki ete apesamaki motóle, ete ezalaki yango. Ezalaki lingomba. Ezalaki lingomba, kasi akendeki wapi? Akendeki na Roma. Kuna nde epai akendeki. Azuaki motóle na ye.

146 Sikawa, eleko ya mibale ezalaki mo—ezalaki mobuti-mpunda ya motane, oyo ezalaki eleko ya molili.

147 Sikawa—sikawa, e—eleko oyo elandaki, ezalaki mo—moto, ya eleko oyo ezalaki ya mobuti-mpunda ya moindo. Mpe azalaki eleko ya ba-réformateur, bomoni, ntango, mo—Mongongo oyo elobaki. Sikawa, mobuti-mpunda ya moindo, wana ezalaki motemeli-na-Klisto. Kasi Ye oyo azalaki koloba na eleko yango atalisamaki lokola moto, mpe elingi koloba bwanya, mayele mingi, mayele mabe. Bomoni? Kasi basosolaki yango te, bomoni. Babengaki te. . . Bapesaki ye nkombo te. Bomoni? Balobaki kaka ete ebimaki.

148 Kasi sikawa, ntango eleko ya mpongo eyei, yango nde oyo. . . Nzambe akokanisaka ntango nyonso basakoli na Ye na bampongo. Amibengaka Ye moko mpongo. Mpongo amataka likoló mpenza, na lolenge ete eloko mosusu te ekoki kosimba ye. Ezali kaka te ete amataka kuna na likoló, kasi asálémá mpo na esika wana. Ntango amataka kuna na likoló, akokaka komona na esika azali. Bato mosusu bamataka kuna na likoló, kasi bakokaka komonaka te esika bazali, boye, ntina ya komata kuna ezali te. Kasi soki o. . .

149 Kasi soki otiki ete eyánganga ámeke kopumbwa elongo ná mpongo, to engondó, moko to mosusu, akopanzana. Asengeli kobongisama mpo na bozito ya esika oyo azali kokende.

150 Yango nde mindondo lelo, bato mosusu kati na biso babongisámá te mpo na bozito yango. Topasukaka nokinoki

mpenza, bomoni, ntango topumbwaka. Mpe, kasi, tosengeli kobongisama mpo na bozito yango.

¹⁵¹ Ntango okómi kuna na likoló, osengeli kozala na miso molai lokola mpongo, mpo na komona oyo ezali koya, mpe koyeba oyo ya kosala. Sikawa, eleko ya mpongo nde emonisi Yango. Sikawa tomoni ete eleko ya mpongo yango elakamaki na Emoniseli 10:7 mpe na Malaki . . . :1, 4. Ete ekosalema na mikolo ya nsuka, bomoni, ezali solo, ete ekozala awa. Malamu. Bótala.

¹⁵² Sikawa, mobali yango, tomoni ete azali kokumba mpunda ya lángi lokola mpondu. Lokola mpondu! Oh, la la! Na nsima, bótala nsima na . . .

¹⁵³ “Ba-Protestant milio ntuku motoba na mwambe,” ndenge tozuaki na—na buku ya Schmucker oyo ya *Réforme ya Nkembo*, ya—ya martyrologie ya Roma, tomonaki yango lobi na mpokwa. Tomonaki ete, kino na mibu 1500, nabanzi, to nkóto na nkama mwambe na . . . nazoyeba lisusu mpenza-mpenza te sikawa. Kasi ezalaki bato milió nkóto ntuku motoba na mwambe oyo babomamaki, mpo batelemelaki lingomba ya Roma ya ebandeli, Roma. Kokamwa te ndenge ye moko akokaki komekola nkombo ya moto ya . . . mpe azuaki nkombo ya Liwa. Azalaki mpenza yango.

¹⁵⁴ Sikawa, bobele Nzambe nde ayebi bato boni abomi na molimo, na malakisi na ye ya kotelemela Biblia, ya kotelemela Liloba! Oyo wana nde bato milió nkóto ntuku motoba na mwambe oyo abomaki bango na mopanga. Mpe mbala mosusu, mpenza ba-milliard ya bato bakúfá na molimo, likoló na malakisi na ye ya lokuta. Kokamwa te ndenge akokaki kozua nkombo ya Liwa!

¹⁵⁵ Bomoni mobuti-mpunda yango? Likambo ya liboso, lokola motemeli-na-Klisto, azalaki liwa, mpo na kobanda; kasi asalaki mabe moko te, na ntango wana. Na nsima azuaki motóle, misato kati na moko; mpe na ntango asalaki yango, na bongo asangisaki, Satana asangisaki lingomba na ye ná letá, mpo akómaki mokonzi na yango nyonso mibale, na ntango yango. Motemeli-na-Klisto ezalaki Satana, na lolenge ya moto.

¹⁵⁶ Na nsima, Santu Matai mpe, nabanzi yango nde, mokapo ya 4, eyebisi biso yango—yango. Satana amemaki Yesu, Nkolo na biso, likoló, mpe alakisaki Ye makonzi ya mokili mobimba, nyonso mpenza, na mbala moko, ná nkembo na yango, alobaki akokabela Ye yango. Alobaki . . . yango, yango ezalaki ya ye.

¹⁵⁷ Boye, bomoni, na bongo, soki akoki kosangisa letá na ye ná lingomba na ye elongo, na bongo mobuti-mpunda ya mpunda ya motane akokaki kokumba, na ntembe te. Bomoni? Ya solo! Sikawa, na bongo, tomoni libombami na ye awa, na lingomba mpe letá na ye.

¹⁵⁸ Na étape ya minei ya lotómo na ye, babengi ye nyama. Liboso babengaki ye motemeli-na-Klisto, bomoni; nsima na

yango babengi ye mosakoli ya lokuta; mpe babengi ye nyama. Sikawa tomoni ete awa babengi ye nyama. Sikawa, nalingi ete bómona ete, wana ezali nsima na mpunda ya minei.

¹⁵⁹ Mpe na mpunda ya minei oyo, soki botali malamamu, nyonso. . . Ya liboso ezalaki mpembe; ya mibale ezalaki motane; ya misato ezalaki moindo; mpe na oyo ya minei, bampunda nyonso misato ya liboso etalisamaki na kati na yango; mpamba te, lángi lokola mpondu ezali motane ná—ná mpembe, ná oyo mosusu esangani elongo. Bomoni? Ye. . . Nyonso e—esanganaki na mpunda moko oyo. Bomoni? Mpe na esika wana akómaki minei, to, solo mpenza, misato kati na moko. Mpe nyonso esanganaki na eloko moko wana.

¹⁶⁰ Sikawa nalingi ete bómona mpunda minei na yango. Bótala ndenge nyonso minei ezali libanda ya matematiki ya molimo. Nzambe azalaka kati na misato. Oyo ezali minei. Azali kati na minei, awa. Ya liboso, motemeli-na-Klisto, mpembe; ya mibale, mosakoli ya lokuta, motane; ya misato, mokitani ya likoló ná mabelé ná—ná epóngelo, moindo; ya minei, nyama, mpunda ya langi lokola mpondu, Satana, oyo babenganaki ye na Likoló. Bolingi kotanga yango? Emoniseli 12:13, babenganaki Satana na Likoló. Na nsima, na Emoniseli 13:1, 8, alati nzoto na kati ya moto oyo babengi nyama.

¹⁶¹ Azali liboso motemeli-na-Klisto, bobele—bobele malakisi oyo babengi Banikolaiti; na bongo, uta na oyo wana, akómi mosakoli ya lokuta. Soki azali motemeli-na-Klisto, motemeli-na-Klisto azali *kotelemela*. Eloko nyonso oyo etelemelaka Liloba na Nzambe, ezali kotelemela Nzambe, mpo Liloba ezali Nzambe. “Na ebandeli Liloba azalaki, mpe Liloba azalaki elongo na Nzambe, mpe Liloba akómaki mosuni, Klisto, mpe Afandaki elongo na biso.” Mpe sikawa azali kotelemela Liloba, boye, azali motemeli-na-Klisto. Kasi balatisaka molimo motóle te; yango nde ntina oyo azwaki naino motóle te. Azalaki kaka na litimbó, ezángá mbanzi.

¹⁶² Na nsima, ntango ayaki, na ntango ya kolatisama motóle, na bongo akómaki mosakoli ya lokuta ya malakisi na ye ya motemeli-na-Klisto. Bosoli? Na bongo azui mopanga, mpo asangisi banguya na ye, na ntango wana azali lisusu na ntina moko te ya kotuna na moto moko. Akómi moyangeli ya letá; akómi moyangeli ya Likoló. Azui mitóle misato kati na moko. Amisaleli likanisi oyo babengi “epóngelo.” Esika oyo, soki—soki baike na baoyo bakúfaki liboso kuna, soki moto moko azali na mbongo mpe alingi kofuta mpo na kobimisa bango, ye akoki kobimisa bango kuna na mabondeli. Mpamba te, azali na nguya ya kosala yango; azali *mokitani*. Ya solo mpenza. “Azui esika ya Nzambe, na mokili.” Ezali mpenza polele na ndenge nyonso!

¹⁶³ Tomoni yango, totalisi yango polele na Biblia, mpe tosali mituya ya mitángo na ye ná makambo nyonso mosusu. Ye

oyo...?...awa na motángo ya minei, motángo ya misato te. Motángo ya minei, bomoni.

¹⁶⁴ Sikawa tózua Emoniseli 12. Tótánga yango mwa moke, mpo to—tokozala na ntango ya kosala yango. Tótánga Emoniseli mo—mokapo ya 12, molongo ya 13. “Na ngonga yango moko mabelé eninganaki makasi . . .” Te, nazui e—nazuaki esika ya malamau te. Molongo ya 13:

Wana emonaki Dalagona ete abwakami kati na mokili, anyokolaki mwasi oyo abotaki mwana mobali yango.

¹⁶⁵ Sikawa, bomoni, babenganaki ye, akitaki na mokili, mpe alataki nzoto, wana molimo ya motemeli-na-Klisto elataki nzoto kati na moto. Moto yango azali kobongwana longwa na eloko moko kino na eloko mosusu, longwa na molimo ya motemeli-na-Klisto kino na mosakoli ya lokuta, na nsima nyama akoti kati na ye.

¹⁶⁶ Kaka mpenza ndenge Lingomba ezali kokóla; lingomba na ye elongwaki na—na motemeli-na-klisto kino na mosakoli ya lokuta, mpe, na eleko monene oyo ekoya, nyama oyo asengeli komonana. Boye, Lingomba ekoya ndenge moko, ekoleka na kolóngisama, kobulisama mpe libatizi ya Molimo Mosanto, elingi koloba Klisto kati na bato, ezali mpenza bongo. Mpe azali na solo ya elilingi na Yango kuna, ya . . . bomoni, elilingi ya Yango, kútu. Ye wana, azali mpenza bongo. Ezali ye. babangani ye na Likoló.

¹⁶⁷ Sikawa tomoni, na Emoniseli 13:1 kino 8.

Natelemaki likoló na zelo ya mbu, mpe namonaki nyama kobima na mbu . . .

¹⁶⁸ Sikawa, 12 yango oyo, epai babenganaki ye. Sikawa bótala malamau.

. . . namonaki nyama kobima na mbu, ajalaki na mitó nsambo mpe maseke jomi, mpe na maseke na ye, mitóle na bokonji jomi, mpe na motó na ye nkombo ya kotúka.

Nyama oyo namonaki ajalaki na motindo na nkoi, makolo na ye . . .

¹⁶⁹ Oh, soki kaka tozalaki na ntango sikawa, tolingaki kozua butu mobimba, mpo na kolobela bilembetele yango kuna, mpe kolakisa, ete ezali lisusu kolobela ye mpenza. Bino nyonso, pene na bino nyonso, boyebi yango, uta na mateya misusu.

. . . ejalaki . . . makolo na ngombolo, mpe monoko na ye . . . monoko na nkosi: mpe dalagona apesi ye nguya na ye, . . . ngwende, mpe . . . bokonji.

¹⁷⁰ Ah! Satana alati nzoto! Bomoni?

Moko na mitó na ye ejalaki lokola . . . ejokaki kino kufa; . . .

171 Mpe bongo na bongo, wana tozali kokóba, soki bolingi, ntango bokozua libaku ya kokóba kotánga. Te, tiká tó—tiká tótánga kaka mwa moke.

*Moko na mitó na ye ezalaki lokola soko ejokaki. . .
kino kufa; nde mpota na ye na kufa ebikaki: mokili
mobimba ekamwaki mpe ebilaki nyama.*

172 Bótala malamumu! Bólandelaka communisme ata moke te. Ezali bobele esalelo, kosaláká mosala na maboko ya Nzambe, mpo na kosunga bino mokolo moko mpo na “kozongisa mabe mpo na makila,” ndenge tokomona yango lobi na mpokwa. Bomoni?

Bato basámbelaki dalagona. . .

173 Dalagona yango ezalaki nani? Satana. Ya solo? “Dalagona motane.” Malamumu.

. . . mpo ete ye apesaki nguya na nyama (epai azuelaka nguya na ye, bomoni): mpe basámbelaki nyama koloba ete, Nani akokani na nyama? nani akoki kobunana na ye?

Monoko na kosolola makambo minene na bitúkeli epesamaki na ye; bokonzi mpe epesamaki epai na ye mpo na kosala misala sanja ntuku minei na mibale.

Azipolaki monoko na ye na kotuka Nzambe, (Yango mpenza, bomoni. Malamumu.) . . . mpo na kotuka nkombo na ye, (kopesa ye ebiangelo) . . . mongombo na ye (elingi koloba efandelo ya Molimo Mosanto), . . .

174 Mpo na kokómisa yango esika oyo ezali na Roma, Engumba ya Vatican. Bokoki kokóba kotánga:

. . . mpe baoyo bafandi na likoló.

175 Atukaki bango, na kolobáká ete bazali balobeli.

Nguya epesamaki na ye mpo na kobunna etumba ná bapetwi (asalaki yango), mpe kolóngá bango (asalaki yango): . . .

176 Azikisaki bango likoló na nkóni! Akabaki bango lokola bilei epai na bankosi! Mpe abomaki bango na ndenge nyonso mpenza!

. . . bokonzi mpe epesamaki epai na ye liboso na mikili nyonso, . . . na minoko nyonso, ná mabota nyonso.

177 Etikálá kokóma ndenge wana te na Roma bobele ntango Roma ya bapakanano ekómaki Roma ya bo-pápa, nguya ya Katoliko epalanganaki na mokili mobimba, mpe basálaki lingomba Katoliko ya mokili mobimba.

Bato nyonso oyo bafandi na mokili bakosambela ye, baoyo nkombo na bango ekomamaki te na buku. . .

178 “Kosimba Mafuta mpe vinyo na Ngai te!” Bomoni?

Bato nyonso bafandi na mokili bakosambela ye, baoyo nkombo na bango ekomamaki te na buku ya bomoi ya Mwana-mpate oyo abomamaki longwa na bojalisi na mokili.

Soki moto moko azali na litoi, áyoka.

Soko eponami ete moto akangama, mbe akangama: soko moto abomi na mopanga, ekoki na ye kobomama na mopanga. Oyo awa ntina na mpiko mpe. . . kondima na bapetwi.

179 Sikawa, tomonaki ye koya, lobi na mpokwa, ná mopanga monene na ye, mpo na koboma.

180 Tomoni ete ye mpe akobomama na mopanga, mopanga ya Liloba. Liloba na Nzambe, mopanga ya mopotu ná míno mibale, ekoboma ye, ekobamba ye na mabelé. Bózela ntango baNkake Nsambo wana ekoyokisa mingongo na Yango epai na etonga wana oyo bakoki mpenza kozua Liloba na Nzambe mpe kosalela Yango, Ekokatakata mpe Ekozokisa. Mpe bakoki kokanga likoló. Bakoki kokanga eloko *boye*, to kosala *boye*, kosala oyo nyonso balingi. Nkembo! Akobomama na Liloba oyo ebimaka na monoko na Ye, ezalaka na mopotú koleka mopanga ya míno mibale. Bakoki kobengisa ba-tonne milliard mokama ya banzinzi soki balingi. Amen. Nyonso oyo bakoloba, ekokokisama, mpo Ezali Liloba na Nzambe koutáká na monoko ya Nzambe. Iyo. Amen. Nzambe, ntango nyonso, Ezali Liloba na Ye, kasi Asalelaka ntango nyonso moto mpo na kosala mosala Yango.

181 Nzambe akokaki kobengisa banzinzi yango, kuna na Ezipito, kasi Alobaki: “Mose, ezali mosala na yo. Ngai nakoyebisa yo bobele likambo ya kosala, mpe yo nde kende kosala yango.” Akokisaki yango na mobimba. Bomoni? A—Akokaki kopona mo—moi mpo na kobenga banzinzi yango, Akokaki kosala ete sanza ébenga yango, to mopepe ébenga yango. Kasi, A—Alobaki: “Mose.” E—Ezali. . . Aponaka moto. Malamu.

182 Sikawa tomoni awa ete Satana oyo, nsima na kobengana ye na Likoló, alati nzoto kati na nyama. Sikawa azali nyama; motemeli-na-Klisto, mosakoli ya lokuta, sikawa, nyama. Mpe bapesi ye nkombo ya Liwa! Mpe Ewélo ezali kolanda ye! Satana na mobimba, na ngwende na ye! Oh! la la! Na mokili, azali ntoma ya Satana, na mokili, ete azali sikawa motó ya makonzi ya mokili, makonzi moko oyo alingaki kokabela Nkolo Yesu na Matai 4. Sikawa Satana akómi mokonzi na mobimba.

183 Sikawa, ekosalema nsima. Azali mosakoli ya lokuta sikawa. Akokóma nyama, nsima na mwa ntango, ntango akobuka boyokani na ye kuna ná Bayuda. Boyebi ndenge to. . . Malamu, bótala sikawa, bakopesa ye motema ya nyama, na ntango yango, mpe Satana akolata nzoto. Mpamba te, ntango Lingomba emati, Satana abwakami libanda. Bomoni? Bomoni? Esili nye, na

ntango wana, ezali, kofunda na ye nyonso esili nye. Bomoni? Sikawa, na ntango nyonso oyo . . .

184 Bótala, na ntango nyonso oyo Molobeli azali naino na Ngwende, Satana akoki kozala wana mpo na kofunda, mpo azali avoká ya ngámbo mosusu. Azali monguna na Klisto. Mpe Klisto azali . . . Atelemi wana, mo—mo—monguna ateleme wana, kolobáká: “Kasi, zela! Adama akweyaki! Adama asalaki *boye!* Nalongaki ye. Nasalaki ete mwasi na ye ándima lokuta. Mpe Olobaki ete akokweisama mpo na yango. Ngai nalongi!”

185 Kasi tala Molobeli azali wana, amen, Ndeko Mosikoli, amen, Atelemi wana ná Makila oyo ekoki kozua motema ya mosumuki ya mabe koleka mpe kobongola yango. Molobeli afandi na Ngwende. Iyo, misie.

Satana alobi: “Kasi bakweisami!”

Ye akoki koloba: “Bakweisami te.”

186 Basalá mai ya Clorox wana, to esalemá, mpo na kolongola matóno, mpo na kolongola lángi na mai ya bíki to matóno mosusu nyonso. Bazali na yango. Ekopanza yango na lolenge ete ekomonana lisusu ata moke te. Ezongaka na ba-gaz, mpe mosika mpenza kino na lumiere cosmique. Mpe mosika koleka ba-molécule ná biloko mosusu nyonso, na lolenge ete ezongaka na ebandeli, epai euté. Ezali ekelami. Esengelaki . . . Ekelami, esengelaki kouta na Mokeli. Kasi binama nyonso ya chimie oyo basalaki mpe basangisaki, epanzanipanzani, mpe nde nyonso oyo yango etikali. Eloko moko etikali lisusu te. Ata binama mpenza—binama mpenza ya mai oyo yango ezali, esanganaka ná mai ya javel Clorox, elingi koloba mputulú.

187 Amen! Nkembo na Nzambe! Nyonso ekomi peto. Yango nde oyo Makila ya Yesu Klisto esalaka mpo na mwana na Nzambe ya solo, ntango ayamboli lisumu yango mpe ateleme wana, alongisami na ya Ye . . . Mawa! Yokela biso mawa! Ezali mpenza monene kino Nzambe alobaki: “Nazali ata komikanisela yango lisusu te. Mpe ye azali mpenza mwana na Ngai.”

188 “Solo solo, Nalobi na bino, soki olobi na ngomba oyo ‘longwa wana,’ mpe otii ntembe te na motema na yo, kasi ondimi oyo olobi, yo . . . ekosalema. Okoki kozua likambo yango oyo olobi ekosalema.” Ozali mwana oyo asikolámi. Amen! Nayebi ete ezali solo.

189 Namóná bisende kobima kuna, mbala motoba, oyo nayebaki, ete ata moko ekokaki kozala wana te. Azali mpenza ndenge . . . Akoki kokela bisende ndenge Akoki kokela banzini, to magbólodo, to biloko mosusu nyonso. Ye, Ye azali Nzambe, Mokeli. Ya solo! Mpe na ntango ekelamo moko te ya kufa . . .

190 Kasi ntango lisumu wana, ya moto ya kufa wana eyambolami mpe ekwei na kati ya Clorox wana, ya mai ya javel ya Yesu Klisto, Elongolaka masumu nyonso. Ye azali peto mpe asangisami te,

ná lisumu moko te, ná mabe moko te. “Moto oyo abotámá na Nzambe asalaka lisumu te, mpo akoki kosala lisumu te.” Javel ezali katikati na ye ná Nzambe. Ndenge nini ekoki kokóma kuna, na ntango oyo epanzaka yango mpe ezongisaka yango semba epai na ye oyo abebisaki yango! Amen!

¹⁹¹ Fiuu! Namiyoki mosambeli. Na—nalobi na bino, nabandi kozua bopunjwami sikawa, lokola ebandi komonisama.

¹⁹² Bótala, Satana na mobimba, na ngwende na ye. Iyo, misie. Apesaki yango Nzambe, apesaki yango Nkolo na biso. Tala ye oyo, afandi awa, ná motema ya nyama na kati na ye. Sikawa, ye nde moto yango, nyama yango, zabolo oyo alati nzoto. Amimonisi awa na mokili, ná lokuta na monoko. Oh, la la, mawa mpenza!’ Ná lokuta na monoko kosala lokola ezali Liloba ya solo, azali komisangisa ná Liloba.

¹⁹³ Asali mpenza likambo moko oyo e—elilingi na ye asalaki, elingi koloba Yuda, eleki mibu nkóto mibale. Asalaki nini? Yuda akotaki, lokola mondimi, nzokande azalaki molimo mabe uta ebandeli. “Abotamáká mwana na libebi.” Asalaki Yesu eloko moko te, mpo Ye ayebaki ye uta ebandeli mpenza; amen, mpo Azalaki Liloba. Malamu. Mpe, bómikanisela, Yuda azuaki esika ya mobombi misolo, mpe akweaki mpo na mbongo.

¹⁹⁴ Ezali mpe bongo mpo na lingomba ya lelo! Lingomba Katoliko, ndenge tomonaki lobi na mpokwa, efutisaka mbongo mpo na ba-neuvaine, efutisaka mbongo mpo na mabondeli, mpe efutisaka mbongo mpo na nyonso. Ezali mpenza ndenge moko, likambo yango moko ekómeli mpe bana basi ya lingomba Katoliko, elingi koloba ba-Protestant. Likambo yango mobimba ekómi na yango likambo ya mbongo. Wana nde esika Yuda akweaki, nde esika oyo akweaki ye, mpe wana nde esika ba-Protestant bakwei.

¹⁹⁵ Bótala malamumu, azali kotambola na mpunda ya lángi lokola mpondu wana amonani likoló ya mpunda, komata oyo ya nsuka. Azali likoló na oyo ya ye ya nsuka sikawa. Sikawa, wana ezali kosalema na mokolo na biso te. Ekosalema nsima. Ezali Elembo, eyebisami liboso ésalema. Mpamba te, bomoni, Lingomba esili konétolama, ntango likambo oyo ekosalema. Ntango Klisto akomonana awa na mokili, ndenge—ndenge—ndenge. . . Moto oyo akoya, mpe akokóma na mobimba mpenza, zabolo na mobimba mpenza; kolongwa na motemeli-na-Klisto, nzela nyonso mobima, koleka na mosakoli ya lokuta, bongo kino kokóma, zabolo ye moko. Mpe azali kotambola na mpunda ya lángi lokola mpondu, langi ya kosangisa, mpe esangani ná balángi ya ndenge na ndenge, kokómisa ye púú ná nsomo na liwa.

¹⁹⁶ Kasi ntango Nkolo na biso akomonana awa na mokili, Akozala likoló na mpunda ya mpembe lokola neige. Mpe Akozala mpenza Emanuele na mobimba, Liloba na Nzambe elati

nzoto kati na Moto. Bomoni? Wana nde bokeseni boni ezali kati na bango. Yango nde bokeseni kati na bango.

¹⁹⁷ Bótala, motemeli-na-Klisto azali likoló na mpunda ya langi lokola mpondu, baláangi ya kosangisa. Mpunda ezali nyama oyo etalisaka nguya. Nguya na Ye esangisama-sangisama. Mpo na nini? Ezali politiki, ezali—ezali banguya ya bikólo, ezali banguya ya basambeli, ezali nguya ya milimo mabe. Ezali banguya ya ndenge na ndenge basangisi esika moko, ezalaki mpunda ya lángi basangisi, ya lokola mpondu. Azali na banguya ya ndenge na ndenge.

¹⁹⁸ Kasi ntango Yesu akoya, ekozala likoló na mpunda ya lángi bobele moko: Liloba. Amen!

¹⁹⁹ Oyo mosusu asangisi baláangi na ye: ya motane, mpembe, moindo; lángi misato kati na moko, etalisami kati na moko. Mpe nguya misato etalisami kati na moko; mpunda ya mpembe, mpunda ya moindo, mpunda ya motane. Mpe mitóle misato kati na moko. Bomoni? Ya solo mpenza.

²⁰⁰ Ngai moko namonaki motóle yango; natelemaki wana, oh, pene na yango *boye* mpe natalaki yango. Nazalaki na makoki ya kosimba yango te, mpo ezalaki na kati ya tala-tala. Boye, ezalaki wana, bakangaki kadená moko ya monene likoló na yango, ezalaki na kati ya tala-tala: mitóle misato kati na moko. Boye, nayebi ete ezali solo. Ah-ha. Boye, azalaki wana, ná mitóle misato kati na moko, mokitani: likoló, epóngelo mpe mokili.

²⁰¹ Asangisi nguya misato, bomoni, nyonso basangisisangisi kati na lángi moko, lokola mpondu. Liwa nde ezalaku koloba kati na nyonso wana; banguya ya politiki, mpe—mpe ya basambeli, mpe—mpe ya milimo mabe, esangisami elongo. Politiki, ye azali mokonzi ya politiki, Satana nde. Mayele mingi! Fiuu! Na ntembe te. Komeka koleka ye te. Tiela kaka—kaka Nkolo motema. Esili.

²⁰² Ndenge nasilaki koloba nyonso wana liboso. Nyonso wana, mayele mingi, mayele ya kelasi mpe makambo ya ndenge wana, eutaka na ngámbo ya mabe. Bólandela yango na kati ya Makomi mobimba, bótala soki ezali bongo te. Bólandela bana ya Kaina mpe bótala oyo bango bakómaki. Na nsima bólandela bana na Seti, bótala oyo bango bazalaki. Ezali te ete nazali kokumisa boyinga, ata moke te. Te, misie. Kasi bózua pene na bato nyonso ya Biblia, bazalaki mpenza moke. . .

²⁰³ Moko, nkombo na ye Polo, azalaki moto ya mayele mingi, mpe alobaki ete asengelaki kobosana nyonso oyo ayebáká, mpo na koyeba Klisto. Alobaki: “Natikálá koya epai na bino te na maloba ya kozimbisa ya bwanya ya bato, kasi nayaki epai na bino na Nguya ya lisekwa ya Klisto.” Ya solo, Nguya ya Molimo Mosanto!

²⁰⁴ Bótala bamosusu. Bamosusu kati na bango bayebaki ata kokesenisa loboko ya mobali na ya mwasi te. Mpe—mpe, oh,

bótala na eleko mobimba ya basakoli, bisika bazalaki kouta, mpe bongo na bongo. Bomoni oyo nalingi koloba?

205 Bomoni, bango bazalaka na mayele mingi, mayele ya bongó, mpe bwanya. Bwanya nde eloko mpenza oyo ememaka moto mosika na Nzambe.

206 Azalaki na nguya misato, to azalaki koyangela bisika—bisika misato: mokili, Likoló mpe epóngelo.

207 Ye moko azali bosato. Yango nde asalemi na yango. Mpe atambolaka na bosato. Nguya na ye ezali na bosato. Motóle na ye ezali na bosato. Mpunda na ye ezali na bosato. Yango nde ye azali: bosato; nguya ya bosato, motóle ya bosato, (azali kotambola na) mpunda ya bosato; elingi koloba na misala, minei lisusu, bomoni, minei lisusu. Malamu.

208 Bitape misato ya lotómo na ye, esalaka ete ázala moto bobele moko, Satana alati nzoto. Bitape misato ya lotó- . . . motemeli-na-klisto, mosakoli ya lokuta mpe nyama. Nyonso misato ezali bililingi, bomoni. Sikawa, bililingi ezali misato, sikawa, yango nde esalaka ye.

209 Nzambe, Nzambe mpe amitalisaka na mai, Makila mpe Molimo; yango nde esalaka ete Moklisto ázala mwana na Nzambe, na nzela na Liloba na Nzambe. Bomoni? Mpe nguya misato *oyo* esalaka ete ázala zaboló. Bomoni? Oh, Oyo awa, ezali mai, Makila mpe Molimo, oyo eutaka na Nzambe. Mpe oyo wana ezali politiki, eyamba mpe nguya ya molimo mabe, elongo, esali ete ázala zaboló.

210 Na Boyei ya liboso ya Klisto, lokola moto ya kufa. Ayei mbala misato. Klisto azali kati na misato. Bomoni? (Bótala ndenge ayaka; ye azali kati na minei.) Bótala Klisto malamu. Boyei ya liboso, Ayaki lokola moto ya kufa, mpo na kosopa Makila mpe kokufa. Boye te? Wana nde boyei na Ye ya liboso. Boyei ya mibale ezali Konétolama; tokokutana na Ye na likoló, tokokufa lisusu te. Na boyei na Ye ya misato, Akozala Nzambe oyo alati nzoto. Amen! Nzambe, Emanuele, mpo na koyangela na mabelé! Ya solo, bobele misato.

211 Etápe ya minei ya mobuti-mpunda, bótala malamu. Etápe ya minei ya mobuti-mpunda ebengami Liwa. *Liwa* elingi koloba “bokabwani ya Seko na Nzambe.” Yango nde oyo liwa elingi koloba, kokabwana Seko na Nzambe.

212 Sikawa, losambo, soki totii moto yango libanda, soki totalisaki na nzela na Biblia, nani moto yango azali; mpe tokamataki kutu na bangomba, esika yango mpe bipai nyonso, tolobeli yango na bolai mpenza, kino sikawa. Sikawa mpongo apesi ye nkombo “Liwa.” Yango nde nkombo oyo Apesi ye. Bóbosana te, awa, bomoni, liwa ezali bokabwani ya Seko.

213 Bóbosana te, basantu bakufaka te. Balalaka, bakufaka te. “Ye oyo akoyoka Maloba na Ngai, mpe akondima Ye oyo

atindi Ngai, azali na Bomoi na Seko.” Ya solo. “Akoleka na kosambisama te; asili kolongwa na kufa koingela na Bomoi. Nazali Lisekwa mpe Bomoi,” Yesu nde alobaki bongo. “Ye oyo akondimela Ngai, ata akufi, akozonga na bomoi. Mpe moto nyonso oyo azali na bomoi mpe andimeli Ngai akokufa ata moke te.” Lazalo, akufi? “Alali mpongi.”

214 “Bóbanga te, mwana mwasi yango akufi te, kasi alali mpongi.” Basekaki Ye na lityo. Boye te? Oh! la la! Bomoni, basantu bakufaka te.

215 Kokabwana na Nzambe ezali liwa, liwa ya Seko. Mpe moto yango, nkombo na ye “Liwa,” boye, bózala mosika na ye. Azali nini? Systéme oyo ebongisami, ya bibongiseli; lingomba ya liboso, ya yambo mpenza, ekómaki ebongiseli ntango ezuaki li—lisosoli ya Constantin, na Likita ya Nicée.

216 Tolobelaki basi yango, lobi na mpokwa, mpe totalisaki ete Eva, mwasi na libala ya liboso, liboso mobali na ye ákende epai na ye, asilaki kokweya, na kosangáká kondima Liloba na Nzambe, na Edene. Mwasi na libala ya molimo oyo abotamaki na Klisto Mokolo ya Pantekote, liboso Ye ákende epai ya mwasi yango, likambo nini esalemaki? Akweaki, na Roma. Nini? Atikaki nguuya na ye ya Liloba, mpo na kozua biyambweli. Amen. Oh! la la!

217 Na—na—nayoki bopunjwami kokitela ngai lisusu, iyo, misie, ntango nakanisi ete ezali. . . Nakáni kosala lokola moto ya liboma te. Nakáni yango te. Kasi na. . . Boyebaka te oyo yango esalaka ngai. Ekokisi mikolo minei sikawa, oyo nazali na kati ya likambo yango. Kaka. . . mpe nasengeli koloba likambo moko, tóloba, mpo námiyoka lisusu lokola moto. Boyebi oyo nalingi koloba. Iyo. Malamu. Soki nabandi koloba ndenge wana, okomona bimononeli ebandi koya na bipai nyonso. Ya solo. Bomoni, yango nde ntina oyo nalobaka makambo mosusu mpo ézongisa ngai, mpo éningisa ngai mpe názonga lisusu. Bomoni?

218 Bosíla komona ngai ntango nasalaka molongo ya kosósola makanisi? Nakoloba likambo moko oyo ekosekisa bato; na nsima nakoloba likambo moko oyo ekolelisa bato; na nsima nakoloba likambo moko oyo ekopesa bango nkanda. Nazalaka na likambo moko oyo nalandelaka. Bongo nakoloba likambo moko mpo na kotala ndenge ekosala, na nsima natalaka lolenge ya pole oyo ezali likoló na bango, likambo oyo ékosalema. Na bongo nakoyeba esika yango ezali, mpe nakoyeba soki Ezali kobenga to te. Soki te. . . Soki oyo afandi wana azali mondimi ya solosolo, malamu. Obengi bango, na nsima, olobi: “Yo, *Songolo-pakala*.” Bomoni.

219 Ntango okómi wana mpe Molimo abandi kopakola, obandi komona kopelapela wana, kouta bipai na bipai, bomoni, ndenge wana, bipai na bipai, bipai na bipai na esika yango. Boye,

yango wana nalobaka makambo mosusu, mpo ézongisa ngai mwa moke, mpo nábanda lisusu, bomoni.

²²⁰ Banda mokolo ya Lomongo eleki, nazali kofanda kaka na biró moko, kaka kobondela, esili, mpe na nsé ya epakweli. Mpe nayebi ete Oyo ezali solo. Soki ondimaka Nzambe, nayebi ete bondimaka, bino botala malamau na nsuka ya mpóso. Ah-ha. Bomoni? Bomoni? Malamau. Bomoni?

²²¹ Sikawa, liwa elingi koloba bokabwani ya Seko ná Nzambe. Mpe bóbosana te ete basantu bakufaka te.

²²² Bómikanisela, mwasi na ye ya libala, apesamaki mpunda ya lángi lokola mpondu, li . . . nalingi koloba, mobuti-mpunda oyo, apesamaki mpunda ya lángi lokola mpondu, mpo—mpo átambola na yango. Apesamaki mpunda ya—ya lángi lokola mpondu mpo átambola na yango. Mpe amataki likoló na mpunda oyo, ya lángi lokola mpondu, ya liwa. Sikawa toyebi oyo yango ezalaki. Toyebi oyo lingomba wana ezalaki.

²²³ Mpe bóbosana te, lobi na mpokwa, azalaki kaka “mwasi ya ndumba te,” azalaki mpe “mama ya bana basi ya pité.”

²²⁴ Mpe tomonaki ete eloko oyo esalaki ete ázala mwasi ya ndumba, azalaki, mwasi oyo azali mwasi ya ndenge wana. Nazali . . . Ezali liloba moko makasi, koloba yango na kati bato ya ndenge na ndenge basangani. Kasi Biblia nde elobi bongo, bomoni. Boye, na bongo tososoli ete ezali—ezali mwasi oyo atosaka ndaí na ye ya libala te. Mpe, bomoni, asengeli kozala, ye moko alobaka, amibengaka “Mwasi Mokonzi ya Likoló.” (Wana elingi koloba Mwasi na libala ya Nzambe. Nzambe azali Klisto.) Mpe tomonaki ete azali kosala pité, mpe azali kosala ete bakonzi ya mokili básala pité, ná bato na bozui nyonso, mpe bato minene. Mokili mobimba bazalaki kolanda ye. Bomoni?

²²⁵ Nsima na yango tomonaki ete abotaki bana basi, bango mpe bazalaki basi ya pité. Mwasi ya ndumba azali kaka lokola mwasi ya pité, ndenge moko; mwasi ya pité asalaka pité, mabe, bikóbo. Basalaki nini? Basalaki ebongiseli, bazuaki systéme, bakómaki koteya ba-systéme oyo esalemi na bato, ba-Pantekotiste ná mangomba nyonso!

²²⁶ Sikawa, bótia lisosoli na—na bino na libenga te, bino ba-Pantekotiste. Bótika náyebisa bino likambo moko. Tótala likambo yango na miso mpenza. Ntango eleki mingi na mobembo oyo, tokoki lisusu kotia mai na monoko te. Bótala malamau.

²²⁷ Tozali kobika na Eleko ya Lingomba ya Laodikia. Mpe yango ezali eleko ya lingomba ya nsoni koleka bileko mosusu nyonso, móto te mpio te, ezali mpe eleko bobele moko oyo Yesu azali na libanda, kolukáká kozonga na kati. Mpe nsango ya ba-Pantekotiste ezali koteyama, koloba: “Nazali mozui!” Oh, ozalaki liboso mobola. Sikawa okómi mpenza na bozui, bomoni. “Nazali na bosenga ya eloko moko te!” Mpe—mpe, oh, ndenge ozalaki!

228 Alobaki: “Ozali bolumbu, moto na mawa, mokufi miso, mobola, moto na bolozzi, kasi oyebi yango ata moke te.”

229 Sikawa, soki moto moko azali bolumbu, kuna na balabala, mpe ayebaki yango, ee, akomeka komisunga. Kasi soki a—soki ayebi yango te, mpe okoki kondimisa ye te, na ntango wana azali mpenza na mikakatano. Nzambe áyokela ye mawa. Ya solo. Bótala. Oh! la la!

230 Sikawa, bóbosana te, motemeli-na-Klisto yango, ye moko, azali moto; mwasi na ye ya libala, elingi koloba lingomba na ye, “apesamaki ntango mpo ábongola motema, mpe asalaki yango te,” na eleko ya lingomba oyo ya Twatila. Bobosani yango te? Bokoki . . . ?

231 Ee, tózonga nsima mwa moke. Ekotungisa biso te, kozonga nsima mwa moke. Tózonga nsima mwa moke, na mokapo ya 2. Tokotángá yango kaka, mokapo ya 2 ya . . . sikawa, Twatila. Sikawa bótala yango malamú, mpenza na lombango sikawa. Oh! la la! tokómi pene na ntango ya kosilisa, kasi tobandi naino te. Kasi, bótala, Twatila. Sikawa, ebandi na molongo ya 18 ya—ya mokapo ya 2.

. . . komela mwanje (elingi koloba motindami) na lingomba na Twatila ete; Mwana na Njambe, oyo azali na miso lokola móto . . . mpe makolo na ye lokola motáko mongengisami, alobi boye ete;

Nayebi misala na yo, na bolingo na yo, na lisungi na yo, na kondima na yo, . . . mpiko na yo, na misala; nayebi mpe ete ozali na yango mingi koleka . . . misala na yo na nsuka mileki misala na yo na liboso.

Kasi najali na yo likambo oyo ete opesi njela na mwasi yango Yezabele, . . .

232 Yango mpenza. Boyebi ye, na Biblia. Azalaki mwasi ya Akaba. Mpe mwasi yango ye oyo, lingomba, Yezabele, mwasi ya mosakoli ya lokuta, oyo asengeli kozala mosakoli ya solosolo ya Nzambe, pápa; ya solo, mosakoli ya solosolo ná mwasi na ye, Yezabele. Sikawa, Akaba asengelaki kozala Moyuda ya solosolo, kasi azalaki moto ya mayele mabe, boyebi yango, mpo mwasi na ye azalaki komema ye ndenge nyonso ye alingaki. Tomoni ete Yezabele azuaka mbongo na ye mpe amemaka baoyo mpe lolenge bango mpe balingi.

. . . oyo akolobaka ete ye mosakoli, (bososoli?), mpe ajali kolakisa mpe . . . kozimbisa baombo na ngai (bomoni, malakisi ya Yezabele yango epanzanaki na ekólo mobimba) ete básala pité mpe . . . bália mbeka na bikeko.

. . . napesaki ye ntango ete ábongola motema (bomoni?) na pité na ye; nde ajalaki na mposa na kobongola motema te.

233 Bótala molongo oyo elandi.

. . . *nakobwaka ye na mbeto* (elingi koloba ewélo), *mpe baoyo basali na ye ekobo*, kati na minyoko monene, . . . (Baoyo bakoleka na Monyoko monene. Lingomba te, sikawa). . . *soki bakobongola mitema na misala na bango te*.

234 Sikawa bókeba, awa.

. . . *nakoboma bana na ye* (bana na ye ya ndumba) *na liwa* (liwa ya molimo); . . .

235 Bondimi yango? Ezali Liloba. “Nakoboma bango na liwa.” Mpe soki babomami, bakabwani Seko. Malamu. Bóbosana te, Apesaki ye ntango mpo ábongola motema.

236 Eleko ya Twatila ezalaki eleko ya molili. Mobuti-mpunda ya moindo azalaki kotambola na ntango yango, ntango bato basengelaki kofuta mbongo mpo na mísa mpe milulu nyonso, mpo na mabondeli, mpe—mpe ba-neuvaine, mpe bongo na bongo. Sikawa bomoni mpunda na ye ya moindo, na nsima, nsima na ye koboya kobongola motema na Twatila, (nini?) azuaki mpunda mosusu, atikaki mpunda ya moindo mpe amataki na oyo ya lángi lokola mpondu, liwa, mpo na lotomo na ye ya nsuka.

237 Sikawa, ntango mosusu nakosukuma mwa moke moto moko na moko awa. Koboya Nzambe, koboya mbéla ya Nzambe, na ntango moko okosala yango mbala ya nsuka. Mpe, kaka ndenge lingomba yango esalaki, esili. Motema molai ya Nzambe ekokoba kobunda ntango nyonso ná moto te. Bomoni?

238 Ntango aboyaki Yango, ntango aboyaki koyamba Yango, na bongo abongwanaki, mpe akendeki. . . Sikawa azali na nkombo moko, nkombo na ye “Liwa,” bokabwani. Nzambe alobaki: “Nakozua ata bana na ye, ba-Protestant, mpe Nakoboma moko na moko na bango na bokabwani ya Seko.” Yango mpenza, Eleko ya Twatila, eleko ya molili. Mpunda na ye ya moindo ebaluki sikawa na liwa, mpo na lotomo na ye ya nsuka.

239 Bozali komona ndenge bileko ya lingomba ezali na boyokani ná Bilembo? Ebongi mpenza be. Mpe toyebi ete Ezali ya solo. Molimo Mosanto asalaka libunga moko te. Apesaki biso kotatolama moko ya nkembo, mbala eleki, ntango tosilisaki bileko ya lingomba, boyebi.

240 Bomoni bolingo mpe motema molai ya Nzambe! Liboso Ákatela ye etúmbu, Apesaki ye ntango mpo ábongola motema. Mpe nazali koloba oyo na Nkombo na Nkolo ete: Apesi mpe lingomba Protestant ntango, kasi akosala yango te. Nsango oyo esili koningisa bisika nyonso, kasi akosala yango te. Akozala na biyambweli mpe bindimeli na ye moko, ata bolimboleli ye Yango ndenge nini.

241 Ndenge nalobaki kuna na Chicago, mokolo mosusu wana, liboso na batei mingi koleka bato oyo bafandi awa! Babengisaki

ngai kuna, bazalaki koluka kokweisa ngai, mpo na Malakisi, momboto na nyoka mpe makambo mosusu nyonso oyo. Nalobaki: “Moto moko ázua Biblia na ye, mpe áya kotelema awa na mopanzi na ngai, kasi.” Mpe moto moko te afungolaki monoko.

²⁴² Tommy Hicks alobaki: “Na—natikálá koyóka Yango ndenge wana te liboso, Ndeko Branham. Nazali na mposa ya ba-bande yango nkama misato. Nakotinda yango epai ya batei na ngai nyonso.”

²⁴³ Bazalaki pene na ntuku mitano, to ntuku nsambo na mitano, alobaki: “Nazoya kuna mpo na kobatisama lisusu.” Bayaki? Ata moko na bango te. Mpo na nini? Apesi bango ntango mpo bábongola mitema! Mpe Akobwaka bana na yo na liwa, liwa ya molimo.

²⁴⁴ Tokolobela yango lobi na mpokwa, soki Nkolo alingi, to mokolo ya mpóso na mpokwa, tokolobela Malozi oyo ekosopana. Bino bótala malamú oyo ekosalema kuna.

²⁴⁵ Ndenge Asalaki mpo na Ezipito, Apesaki Ezipito ntango na kobongola motema. Mpe bolozí oyo ya nsuka ezalaki nini? Ezalaki liwa.

²⁴⁶ Yango nde bolozí ya nsuka oyo ebeti lingomba Pantekotiste: liwa ya molimo. Asili kokufa. Nalobi yango na Nkombo ya Nkolo. Asili kokufa na molimo. Apesaki ye ntango ya kobongola motema, kasi aboyi Yango. Sikawa asili kokufa. Akotikáláká kosekwa lisusu te.

²⁴⁷ Mpe bato oyo bazali kuna, oyo bazali koluka kokotisa ba-Epísikopo, basángó, ná nyonso wana, mpe oyo bazali kobenga bango “Tata Mosantu *Songolo-pakala*.” Ee, basengelaki komiyoka nsoni. Bato bakufi miso mpenza! Yesu alobaki yango, boye te? Ntango mongondo oyo alálaki mpongi ayaki kosomba Mafuta, azuaki Yango te!

²⁴⁸ Bato nyonso, boyokaka bato koloba: “Nazali na Molimo Mosanto. Nalobaki minoko na sika.” Kasi balingaka koya na losambo lokola oyo te. “Oh, oyebi, nandimi te ete nalingi kokende na esika ya ndenge wana.” Na nsima óloba ete ozali na Molimo Mosanto?

²⁴⁹ Kasi olingi banzela na yo ya komikumisa. Olingi kotikala na Babilone mpe kokóba kosepela na mapamboli ya Lola. Osengeli kopona. Okoki kotikala kuna na mokili te, mpe kosalela Nzambe na mbala moko. Yesu alobaki ete okoki kosalela Nzambe ná Mamona te. Boye, soki olingi kotalela . . .

²⁵⁰ Soki obikisami mpenza, okosepela na mayangani oyo Molimo Mosanto ezali komitatola Yango moko mpe kotalisáká ete Liloba na Nzambe ezali bongo.

²⁵¹ Moto moko alobaki: “Bato basalaka makelele mingi. Epesaka ngai motema likoló-likoló.” Okozala motema likoló-likoló, soki okei na Lola. Bókanisa naino: ntango bango nyonso

bakozala kuna, ekozala ndenge nini? Oh! la la! Ndenge Nkolo alingaka mpenza ko . . .

²⁵² Azali na motema molai, ndenge Azalaki na mikolo ya Noa. Asalaki makasi mpenza. Azalaki na motema molai, na mibu mokama na ntuku mibale, mpo na komema bango bá bongola mitema. Balingaki kosala yango te.

²⁵³ Na mikolo ya Ezipito, Atindaki malózi mpe nyonso mosusu. Balingaki kosala yango te.

Atindaki Yoane. Balingaki kozonga te.

²⁵⁴ Atindaki Yesu, mpo na kokufa, mpo na kobikisa etonga mobimba oyo balingaki koyoka Liloba.

²⁵⁵ Sikawa, na mikolo ya nsuka, Alakaki lisusu ete Akotinda Nsango moko kobenha Ye kobima, mpe kozongisa Kondima ya ebandeli na Yango, na Liloba. Kasi bakoyamba Yango te. Batingami mpenza, na biyambweli mpe bindimeli na bango, na lolenge ete balingi na bango Yango te. Oh, bakanisaka ete soki bazali na . . . soki Mwanje moko akiti na mokili; kasi Nzambe asalaka bongo te.

²⁵⁶ Azuaka moto moko ya boyínga ná mayele te, eloko oyo ayebi ABC na ye te to—to soko nini. Boye, Azuaka nde bato ya lolenge wana, mpo Akoki kozua eloko ya mpamba mpe kosala na nzela na yango. Na ntango nyonso oyo moto akanisaka ete azali moto monene, na bongo bakoki kosala na ye eloko moko te. Asalaka ntango nyonso bongo. Osengeli kokóma moto mpamba, mpo na kokóma moto moko elongo ná Nzambe. Oh! la la!

²⁵⁷ Bótala, naino: “Apesaki ye ntango mpo á bongola motema, kasi abongolaki motema te.”

²⁵⁸ Asali yango lisusu; alingi na ye kosala yango te. Koboya na ye, nzela, esalaka ete á, to, koboya na ye efungolaka mpenza nzela mpo Satana ákota kati na ye mpe álata nzoto. Ya solo. Alati nzoto ye moko kati na ye, mpo aboyaki Liloba. Mpe yango mpenza nde lingomba Protestant ékómi: mwasi ya ndumba, ezali mpo azali koboya Solo oyo etatolami, ya Liloba na Nzambe, mpe ezali kopesa na zabolo nzela ya kokota mpe kolata nzoto. Mpe akosala elilingi ya nyama, na ntango bakosangisa bango elongo, kuna sikawa, mpe ezali kosalema mpenza ndenge Alobaki. Ya solo. Amen.

²⁵⁹ Soki nazalaki na mayele ya kelasi, nakokaki kotalisa Yango. Natángá te. Nazali kaka kotalela Molimo Mosanto mpo Ámonisa bino Yango. Mpe Akosala yango, epai na baoyo . . . Ya solo. Akosala yango. Iyo. Bótala.

²⁶⁰ Bótala ndenge asalaki awa. Aboyaki Nsango ya Nzambe mpo na ye á bongola motema. Abandaki lokola motemeli-na-Klisto, mpe yango nde oyo ye azalaki. Akómaki mosakoli ya lokuta, molimo mabe oyo elati nzoto, mpe, ntango asalaki bongo, na malakisi na ye ya lokuta. Na bongo, kati na nyonso wana,

Nzambe apesaki ye ntango mpo ábongola motema, azalaki koluka kobenda ye.

261 Bomoni motema molai yango? Bolingo ya kitoko mingi! Bolingo moko te ekokani na yango! Bótala baoyo, ata baoyo babwakelaki Ye nsói na elongi ná nyonso wana, Alimbisaki bango. Oyo wana nde Nzambe, bomoni. Te . . .

262 Azali koboya Nsango ya Nzambe! Bótala, bayebisaki ye ete ábongola motema, ete ázonga epai akweyaki.

263 Mpe uta wapi nde ye akweyaki? Na Liloba. Ya solo. Uta wapi Eva akweaki? [Losambo balobi: “Na Liloba.”—Mok.] Liloba! Dénomination ekweyaki uta wapi? [“Na Liloba.”] Yango mpenza. Bomoni? Nzela mosusu ezali te. Mbala nyonso mpenza, ezungaka mbala moko na Liloba, mbala moko na Liloba. Bomoni? Mpe bakotaka na systéme moko oyo ekimisaka bango mosika na Liloba, ekimisaka bango mosika na Liloba, na esika ete báya na Liloba. Bótala.

264 Bótala, apesamaki ntango mpo ábongola motema, ázonga. *Kobongola motema* elingi koloba “kozonga, kobaluka, kosala volte-face.” *Kobongola motema*, “kozonga.” Mpe apesamaki ntango mpo na kozonga epai oyo . . .

265 Sikawa bóbosana te, azalaki Lingomba ya ebandeli, ya Pantekote, oyo Molimo Mosanto esopamaki likoló na ye, na Mokolo ya Pantekote. Bayekoli ya Biblia boni bayebi yango? Ya solo mpenza, azalaki yango. Bomoni epai autelaki? Akweyaki longwa na Liloba, mpe ayambaki biyambweli. Atalelaka. . . Na esika ya Molimo Mosanto, alingaki moto moko ya mosantu, “Docteur LL., na Ph., na Q.U.” na nsima akómisaki ye pápa. Bomoni? Ya solo mpenza. Kasi, ye, yango nde alingaki: moto moko oyo akobondela na esika na ye. Moto moko. . . Afuti ye kaka mbongo, mpe yango nde nyonso oyo asengeli kosala. Bomoni?

266 Sikawa, ezali ndenge moko lelo. Na na ntango nyonso oyo bazali na ebonga ya kofanda kuna, mpe batiaka mbongo mingi na nsani ya mabonza, wana ekoki na yango. Bazali bandimi ya lingomba yango. Koyebisa bango eloko mosusu te na ntina na Yango; balingi koyeba yango te. Wana nde bana na ye ya basi.

267 Sikawa, akweyelaki wapi? Longwa na Liloba ya ebandeli, ya bantoma, oyo ya bantoma ná basakoli. Wana nde epai akweyelaki. Wana nde epai ba-Protestant bakweyelaki.

268 Bóbongola mitema! Bózonga! Bózonga nsima liboso ntango éleka. Ntango eleki naino te. Moko na mikolo oyo, Mwana mpate akotika esika na Ye, mpe na ntango wana nde nyonso ekosila. Ndenge moko mpe, esengami na bana na ye ya basi sikawa, liboso básambisama elongo na ye, ete “bázonga.”

269 Sikawa, Nsango ya nsuka oyo bakozua, ezali ntango mosakoli yango, oyo nauti kolobela. . . Kútu, natángi babuku

mingi na ntina na Yango. Mpe nayebi ete bato malamau mpenza, oyo bayebi kokanisa, oyo bazali na makanisi ya molimo, bayebi ete Ezali koya. Bayebi yango. Bayebi ete Ezali koya, bomoni. Bango. . . Kasi kokoso ezali ete, bazali kokóba koloba: “Tosengeli na Yango. Ekosalema,” kasi ntango Ekoya, ekozala na komikitisa mpenza, ntango mosusu bazanga komona Yango, kaka ndenge basalaki na mbala eleki. Ezali bongo. Bato bakokoma na ntina na Yango, mpe nyonso wana, bakoloba: “Oh, iyo, Esenge kozala,” na bongo tika Yango etalisama liboso na bango, mpe bakokóba na bango kokende liboso, bomoni. Boye, basalaka ntango nyonso bongo.

²⁷⁰ Bótala sikawa, Liloba ya ebandeli. Babó-. . . ba. . . Asengeli naino kobongola motema, kozonga, esengami bongo mpe na bana na ye ya basi. Bakotindama na makasi. . . bakosambisama, mpe bakobwakama kaka na mbeto yango mpe bakobomama elongo na ye. Basengi bango ete bázonga na Liloba ya ebandeli, bázonga na Malakisi ya bantóma. Kasi, bakangami mpenza na bindimeli na bango mpe nyonso wana, baboyi kobongola mitema. Bazali kaka kotiola Yango.

²⁷¹ Na bongo, bazali kosala nini? Sukasuka basali elilingi ya nyama, nguya mosusu; bótala, mpe bazali kosala, epai ya Mwasi na libala ya Mwana mpate, ndenge ye asalaki na Emoniseli 13:14. Yango nde bazali kosala, bazali kaka konyokola, ndenge moko mpenza. Mangomba bazali kotiola Mwasi na libala ya solo ya Klisto, ndenge Roma asalaka. Ndenge moko mpenza. Iyo, misie. Azali kosala epai ya—ya Mwasi na libala ya solosolo ya Mwana-mpate kaka mpenza ndenge ye asalaki na Emoniseli 13:14.

²⁷² Sikawa bótala. Tozali komona, na nzela na Liloba ya elaka ya Nzambe ete Ako—Akoboma bana na ye, ba-denomination, bana na ye ya basi, na liwa ya molimo. Sikawa, wana ezali Emoniseli 2:22. Bóbosana yango te. Koboma, ezali kotinda moto na liwa. Mpe *liwa* ezali “bokabwani ya Seko na Bozali ya Nzambe.” Bókanisa naino, baninga. Bókanisa naino. Bómeka kotia motema na bindimeli moko te, oyo esalemi na bato. Nyonso oyo ekeseni na Liloba, bózala mosika na yango.

²⁷³ Sikawa bótala malamau, bótala malamau awa na Biblia. Elobi ete nkombo na ye ezalaki Lifelo, mpe. . . Nalingi koloba:

. . . nkombo na ye *ezalaki Liwa, mpe ewélo ezalaki kolanda ye.*

²⁷⁴ Sikawa, ewélo elandaka ntango nyonso liwa, na mosuni. Soki moto ya mosuni akufi, ewélo elandaka ye; elingi koloba nkunda, hadès, bomoni, oyo wana, na ndenge ya mosuni. Kasi na molimo, ezalaka Libeke na Móto, bomoni, malamau, ezali bokabwani ya Seko, epai wapi bazikisami.

²⁷⁵ Mpe—mpe Malaki 4 elobi: “Ekotikela bango ata matiti te, to etape te, to eloko mosusu te.” Wana nde lolenge mokili ezali na yango ya komipetola lisusu, mpo na Millénium. Bomoni?

276 Bomonaki ete mobuti-mpunda yango azali “ye” mobali? Mpe “ye” mobali asimbaki na loboko “na ye”; “mobali,” mosakoli ya lokuta. Kasi mwasi na libala na ye abengami lingomba, “ye-mwasi,” Yezabele. Akaba; Yezabele. Ee, ebongi mpenza be. Bomoni? Bomoni?

277 *Bana basi* bazali mpe “basi,” kasi batikálá koyamba bokambami na moto moko te; bazali ba-Protestant, mpo na yango, kasi ata bongo, bazali basi ya ndumba na mibeko ya malakisi na bango: dénomination, ba-système. Ezali mpenza . . . Yango nde elobami.

278 Bótala. Nyonso wana ekosuka wapi? Sikawa, totikali kaka na miníti zomi na mibale to zomi na minei, nabanzi. Bótala epai nyonso wana ekosuka. Ezali nini? Ezali kozonga mpenza na ndenge esalemaki, mpe ebandaki na Likoló. Ekosuka na etumba ya nsuka ya ntango.

279 Likambo ya liboso oyo esalemaki na Likoló, ezali etumba. Lusifele abenganamaki, mpe ayaki na mokili. Na nsima abebisaki Edene; mpe kobanda wana azali kokoba kobebisa yango. Sikawa, ebandá na etumba na Likoló, ekosuka na etumba na mokili; mpe esengeli kosila na mokili, na nsuka ya ntango, na etumba oyo babengi Harmaguédon. Sikawa, bato nyonso bayebi yango. Etumba yango ebandaki na Likoló, ya bulee, na bongo babenganaki ye. Mikaele ná Banje na Ye balongaki ye mpe babenganaki ye. Ntango basalaki bongo, akitaki mbala moko na Edene, mpe na ntango yango nde etumba ebandaki awa na mokili. Akutan- . . .

280 Nzambe asalaki ete bana na Ye nyonso bálendisama na Lilob na Ye. Kasi Eva atalisaki bolembu na ye, alobaki: “Nabanzi ete olobi solo, ntango mosusu.” Mpe ebandaki wana. Mpe ezali kokoba, kobanda wana. Nsima na yango Nzambe akitaki, sikawa Asengeli. . . Ayaki mpo na kosikola baoyo balingaki koya.

281 Ndenge nalobaki, Nzambe azali lokola motongi monene. Atiaka bisalelo na Ye nyonso na mabelé, nsima na yango Atongaka bandako na Ye. Sikawa, bóbosana te, liboso mbuma moko ya—ya momboto ézala na mabelé, liboso moi ékoka kobeta mabelé, nzoto na yo ezalaki na mabelé, mpo ozali putulu ya mabelé. Bomoni? Ozali yango. Nzambe azali Motongi.

282 Sikawa, na ndenge oyo Alingaki kosala, ezalaki kokita mpe kozua (ndenge Asalaki mpo na Adama) mwa ndambo ya calcium, potasse, ná pole cosmos, mpe: “Wuu!” Alobi: “Mwana na Ngai mosusu ye wana.” Bomoni? Na nsima, Akozua lisusu ndambo mosusu, mpe: “Wuu!” “Mosusu ye wana.”

283 Kasi Eva asalaki nini? Abebisaki nzela yango. Mpe ye moto amemaki yango, na nzela na koyebana nzoto, na bongo liwa ebetaki.

284 Sikawa Nzambe azali kosala nini? Azali na mimboto ebele mpenza kuna na nsé, oyo ebongisámá liboso; motángo moko boye, oyo ebongisámá liboso. Na bongo, na nsuka ya ntango, Akoloba te: “Eva, yaka kobota mwana mosusu.” Akosala (“Wuu!”) kobenga, mpe ngai nakoyanola. Esili. Ezali bongo. Likanisi yango ezali ndenge wana. Ntango moto oyo ya nsuka akokóta, yango ekokata likambo.

285 Sikawa, etumba yango ebandaki na Likoló. Ekosila na mabelé, na lolenge ya Harmaguédon.

286 Sikawa tótala malamú mpo tómona yango kofungwama. Mpe ntango mosusu tokoki kofungola yango. Nkolo ásungá biso sikawa mpo tósala yango sikawa. Bótala malamú ndenge ezali kofungwama.

287 Mobuti-mpunda ya kokamwa, bótala malamú ndenge azali kosala sikawa; “atelemelaki,” aboyaki kobongola motema mpe kozonga na Liloba ya Makila ya ebandeli. Liloba ekómaki Makila mpe mosuni. Bomoni? Aboyaki kozonga na Yango. Azali motemeli-na-Klisto! Mwasi na libala Liloba ya solo, atelem- . . . ye atelemelaka Mwasi na Libala Liloba ya solo. Azuaka mwasi na ye moko ya libala! Mpe atelemelaka Mwasi na libala oyo ya solo. Mpe azuaka mwasi na ye moko ya libala, mpe amemaka ye epai na ye moko, na lolenge ya kosambela oyo babengaka bindimeli mpe biyambweli. Bomoni? Sikawa, soki amoni Mwasi na libala mosantu, atelemelaka Ye. Kasi azali kosala mwasi na ye moko ya libala, abengami motemeli-na-Klisto, mpo na malakisi ya motemeli-na-Klisto, oyo ekesani na Klisto. Bomoni ndenge azali na mayele mabe? Sikawa, na esika ya kozala na bomoko ya bolingo mpo na kokonza, kokumbamela na nsé ya Makila, ye azali na dénomination. Na esika ya kozala na Liloba, ye azuaki bindimeli, biyambweli, mpe bongo na bongo.

288 Ndakisa, ba-Protestant balobelaka “Endimeli ya Bantóma.” Nalingi ete bóluka liloba moko na yango na Biblia. Ntóma, Endimeli ya Bantóma ezalaka te na Biblia.

289 Ndenge nalobaki awa, sikawa, kala mingi te, to esika moko boye. Soki bantoma bazalaki na endimeli, ezali Misala 2:38. Yango mpenza nde nyonso oyo ngai nayebi ete atikalá kozala na yango. Yango nde bazalaki koyebisa na bato nyonso ete básala. Ntango akutanaki na moko na baoyo bazalaki lokola Baklisto, alobaki: “Bozuaki Molimo Mosanto uta bondimáki?”

Balobaki: “Toyebi te soki ezalaka . . .”

Alobaki: “Bongo bobátisamaki ndenge nini?”

290 Sikawa, kobatisama na Nkombo na Yesu, to na Nkombo na Nkolo na biso Yesu Klisto, kútu, wana, wana ezali malamú, kasi wna ezali nyonso te. Te, misie. Okoki kobatisama mbala ntuku mitano ndenge wana, kasi ekosungá yo ata moke te, soki motema yango ebongwani te, na nzela na Molimo Mosanto. Nyonso wana esengeli kotambola elongo. Bótala, ezali—ezali Klisto!

291 Motemeli-na-Klisto azali koboya Malakisi ya Mwasi na libala ya solo, mpe na boye azali kozua mwasi na ye moko ya libala sikawa, mpe azali kotonga ye, likoló na bindimeli na ye moko. Azali kozua mwasi na ye moko ya libala mpe kokómisa ye dénomination! Azali kobota ba-dénomination misusu, ndenge elobami na Makomi masantu oyo; azali kobota bana basi. Mpe azali . . . Akómi mpenza lokola mama na ye, ya mosuni, ya mokili, ya denomination; kotelemeláká Mwasi na libala ya molimo, Liloba.

292 Balobaka te ete basambelaka te. Soki osololi na moto ya dénomination. “Na ntembe te, nasambelaka.” Ozali Moklisto? “Nasambelaka!” Etali Yango na eloko ata moko te! Balobaka . . . Ozali mondimi ya Lingom- . . . Ntango mosusu o—ozali mondimi ya oyo babengaka lingomba, bomoni, mondimi ya lingomba. Oyo wana ezali Lingomba te. Oyo wana ezali Mangomba te. Wana ezali ba-club, epai bato basanganaka, mpe bato yango bazali lokola “bandeke ya lolenge moko.”

293 Kasi Lingomba ezali bobele moko, mpe yango ezali Nzoto ya Klisto oyo emonanaka te. Mpe bakótaka na Yango te. Babotamaka kati na Yango.

294 Ndenge nalobaka ntango nyonso, ekokisi mibu ntuku mitano na misato oyo nazali elongo na libota Branham, mpe nakotaki kuna kokota te. Nabótámá nde na kati na yango. Bomoni?

295 Sikawa bótala. Etalisami na elilingi moko malamú mpenza. Na—nazali na . . . nakomaki Likomi yango awa, kasi na . . . tozali na ntango ya kolobela yango te; elobeli Esau ná Yakobo.

296 Sikawa, Esau azalaki mosambeli. Azalaki koloba te ete azalaki mozangi kondima. Andimelaki Nzambe moko oyo Yakobo andimelaki, Nzambe moko oyo papa na ye andimelaki. Kasi azalaki mpenza moto ya mobulu, to, bólimbisa elobeli yango, kaka . . . Azalaki mpenza na ntina te. A—azalaki, sikawa, na oyo etali bomoto, azalaki mpenza mo—moto na bizaleli ya bomoto koleka Yakobo. Kasi, bomoni, azalaki kokanisa te. . . “Oh, makoki ya bokulutu yango nakosala na Yango nini?” Mpe atekaki makoki na ye ya bokulutu epai ya Yakobo. Bomoni?

297 Kasi, Yakobo, azalaki na makambo ya minene te, lokola Esau. Azalaki na libula te oyo ye azalaki na yango. Kasi eloko bobele moko oyo Yakobo azalaki na mposa na yango, ezali makoki ya bokulutu. Etalaki ye te ndenge nini asengelaki kozua yango; alingaki kozua yango. Mpe Nzambe asepelaki na ye.

298 Na bongo, ezali ndenge moko lelo, mpo na moto ya mokili, na makanisi ya mosuni, na molimo ya mokili. “Ee, ngai nasambelaka na lingomba ya letá. Nasambelaka na lingomba oyo. Nasambelaka na oyo *wana*.” Etali Yango ata na eloko moko te, ata eloko te.

299 Bótala malamú, asangisi bango sikawa likoló na mpunda na ye ya lángi basangisá-sangisá. Azali kosangisa bango, likoló na

mpunda na ye ya lángi basangisá-sangisá, mpo azali na nguya ya politiki.

³⁰⁰ Bondimi te ete azali na yango? Président oyo azui bokonzi sikawa, azui yango ndenge nini? Esalemi ndenge nini? Ah-ha! Toyaki awa mpo na kozua bonsomi ya kosambela; mpe bino ba-démocrate oyo bozali koteka makoki na bino ya bokulutu na politiki! Nazali te na . . . Parti Democrate ezali mabe te; ba-parti nyonso mibale esili kopola. Nazali kolobela nde Boklisto. Kasi boteki makoki na bino ya bokulutu, na lokasa ya ba-démocrate, mpo na kotia eloko moko ya ndenge wana na bokonzi. Nsóni na bino!

³⁰¹ Bozosósola te ete ekólo oyo ekokani mpenza na Yisraele? Yisraele basalaki nini? Ayaki na mboka mopaya, abenganaki bafandi na yango, abomaki bango koboma, akotaki mpe abotolaki mboka yango. Yango nde oyo biso tosalaki; epai ya ba-Indien. Bango nde ba-Americain ya solo bobele moko, ezali baninga na biso ba-Indien.

³⁰² Na nsima, basalaki nini? Yisraele bazuaki mwa bato minene. Na mbala moko . . . Bazuaki David, mpe bazuaki Salomo. Bazuaki bato minene. Sukasuka bazuaki motomboki moko kuna, Akaba, oyo abalaki Yezabele, mozangi kondima.

³⁰³ Ee, biso mpe tosali ndenge moko. Tozuaki Washington moko ná Lincoln moko, kasi bójala oyo tozui sikawa. Mpe likambo mpenza ezali ete, abálá Yezabele, akangámá na boloko ya mwasi mpe akómá fanatiki na ye. Akoki kozala mobali ya malamau mpenza, kasi ye mwasi nde akotambwisa makambo. Mpe bozali komona yango sikawa, libota mobimba ebandi kokota.

³⁰⁴ Molimo Mosanto ayebisaki ngai nini, eleki pene na mibu ntuku misato na mitano? Bino nyonso bato ya kala boyebi yango, makambo nsambo oyo ekosalema liboso nsuka éya. Mpe oyo ezali likambo ya nsuka, liboso na oyo ya nsuka, oyo ekosalema. Nyonso mosusu ekokisami mpenza ndenge elobamaki, ná bitumba mpe makambo mosusu nyonso. Bomoni? Sikawa akómi mpenza na maboko ya mwasi, ye moto akokonza ekólo. Yezabele! Bomoni?

³⁰⁵ Kasi, bóbosana te, na ntango ya Yezabele, moto moko alobelaki bango mpenza polele. Bomoni?

³⁰⁶ Kosangana, likoló na mpunda na bango ya lángi ya kosangisa. Mpe, bomoni, azali kosangisa yango esika moko, esangani ná bindimeli, nadénomination, ná malakisi esalemi na bato. Ezali bongo? Na ntembe te, lángi ya kosangisa, lángi ya kosangisa ya mpunda ya mokili, ya langi lokola mpondu, oyo ya liwa! Sikawa, ezali bongo. Balángi ya kosangisa ya lolenge ya liwa mpe ya mokili, ya mpunda ya lángi lokola mpondu, oh, la la, ata Makila mosantu te ya Liloba!

³⁰⁷ Bójala malamau. Uta na nsóngé . . . “Bazali kosangisa bango uta na nsóngé minei ya mokili; azali kosangisa bango na

Harmaguédon,” Biblia elobi. Nazali komeka kokanisa Makomi oyo nakomaki awa. Nakotángá yango te; kasi kaka epai yango ekomami, mpo namona oyo yango ezali. “Azali kosangisa bango, mpo na mokolo monene ya etumba ya Nkolo Nzambe.” Bótala malamú. Sikawa, na oyo etali mpunda wana ya maláli, ya lángi ya kosangisa, ya mokili, ya lokola mpondu, bókánisa naino; boyebi, ezali eloko ya mabe. Sikawa bótala malamú epai azali kosangisa bango, “uta na nsóngé minei ya mokili.” Bazali kosangana sikawa mpo na etumba. Etumba ya kosukisa likambo ekosalema na “Harmaguédon,” ndenge Liloba elobi. Bomoni?

³⁰⁸ Likoló na mpunda ya lángi lokola mpondu, ná “Liwa,” ekangi ye, to, ná nkombo ya “Liwa,” ekangi ye, motemeli-na-Klisto! Bóyoka. Motemeli-na-Klisto, denomination ya liboso (moto moko te akoki koboya yango); ná Yezabele na ye, mwasi ya ndumba, epai na Liloba; ná bana na ye ya basi, elongo na ye, ba-Protestant; bazali kosangana sikawa na bomoko!

³⁰⁹ Boyokaki ba-Batiste koloba mokolo mosusu wana awa, boyebi? Ah? “Oh, tokosangana na bango te, kasi toko—tokozala malamú ná bango mpe kaka lokola boyokani ná bango. Tokosengela kokota na lingomba na bango te, kasi. . .” Yango mpenza. Yango mpenza, kaka ndenge Liloba elobi. Bomoni? Bomoni? Mobange mwasi ya pite, mpo na kobanda, bomoni.

³¹⁰ Sikawa, bango oyo awa, bazali kosangana elongo, koya kosuka na etumba wana, na Harmaguédon, bamati likoló na mpunda ya lángi ya kosangisa; ná mpunda moko ya mpembe, mpunda moko ya motane, mpunda moko ya moindo. Mpunda misato oyo ekeseni: nguya ya politiki—ya politiki, nguya ya molimo, ekonzami na nguya ya molimo mabe, elingi koloba motemeli-na-Klisto. Kosangisa wana elongo, epesi nyama ya púú, eloko moko lokola bokono, nde ye azali kotambola likoló na yango. Ya solo. Sikawa bótala. Bótala nyama oyo azali kotambola likoló na yango: mpunda oyo ya lángi lokola mpondu, ya lángi ya mbwé, esangani ná moindo, motane mpe mpembe; azali koya na etumba, kosangisáká bato na ye longwa na bikólo nyonso ya mokili! Daniele alimbolaki ndoto yango, mpe amonaki ebende oyo ezalaki kotobola makonzi nyonso, ya Roma, boye te? Tala bango oyo awa bayei, bazali kosangana.

Sikawa bófanda kimia mpo na kosilisa, bózela miníti moke, mpe boyoka na bokebi.

³¹¹ Bazali kosangana sikawa mpo na kosala yango, azali komema bato na ye uta na nsonge minei ya mokili; kotamboláká na mpunda ya lángi misato esangani, ya lángi lokola mpondu, ya lokola púú. Kaka moto yango!

³¹² Sikawa, na Emoniseli 19, kaka ye nde azali komilengela te, kasi Klisto mpe azali komilengela mpo na kokutana na ye. Etumba yango ekozala ndóngo mpe makasi. Klisto, na Emoniseli 19. Klisto azali kosangisa baoyo ya Ye, longwa na nsóngé minei

ya mokili te, mpo bakozala mwa litiká moke. Azali kosala nini? Azali kosangisa bango longwa na nsóngé minei ya Likoló. Tokolobela “milimo na nsé ya etumbelo,” yango lobi na mpokwa, mpe bokomona soki ezali bongo, to te. Nsóngé minei ya Likoló; likoló na mpunda ya mpembe lokola neige!

³¹³ Ye mpe azali na Nkombo, liwa te, kasi “Liloba na Nzambe,” Bomoi. Amen. Ekomami na ebelo na Ye: “Liloba na Nzambe.” Yango nde Bomoi bobele moko, mpo Nzambe azali liziba bobele moko ya Bomoi na Seko. Zoe! Boye te?

³¹⁴ Epai na Ye bakomí: “Bomoi,” kotamboláká likoló na mpunda ya mpembe; mpe awa, moto moko azali na nguya misato ya kokesana esangisami, nkombo na ye “Liwa.” Azali kosangisa bato na ye oyo bakangámá na mokili; mpe Klisto azali kosangisa baoyo ya Ye, basantu, oyo babotámá na Likoló. Likoló na ye bakomí “Liwa”; na Klisto bakomí “Bomoi.” likoló na Ye.

³¹⁵ Baoyo bazali elongo na Ye bazali mpe likoló na bampunda ya mpembe, mpe babengami “Baponami liboso na kozalisama ya mokili.” Amen! Mpe bazali sembo na Liloba. Amen! Fiuu! Nasepeli na oyo wana. “Babengámá, baponámá, liboso na kozalisama ya mokili.” Bazali mpe sembo na Liloba, na koponama na bango, bango nyonso bapunjwamaki ná vinyo ya sika mpe ya Mafuta, bazali ntango nyonso kokende liboso, mpo na kokutana ná ye. Bayebi ete, kala mingi te, baNkake ekobandisa likambo yango mpo na biso. Bomoni?

³¹⁶ Bótala malamumu. Asalaka ndenge nini? Boye, soki Azali Liloba, mpe Nkombo na Ye ezali Liloba, na bongo Liloba ezali Bomoi. Motemeli-na-Klisto; nyonso oyo ezali *motemeli* “etemelaka,” na bongo, *motemeli* “atemelaka” Klisto, Liloba. Boye, esengeli kozala endimeli, to denomination, oyo ezali kotemela Liloba.

³¹⁷ Ee, namoni te ndenge nini bokoki kozanga yango. Soki bobosoli yango, ndenge nini bokoki kozanga yango? Nayebi te ndenge nini bokosala.

³¹⁸ Ya solo. *Motemeli* “atemelaka.” Ya solo, boye te? “Kolongola na.” Yango nde ye azalaki. Azali kotambola na mpunda na ye oyo esangáná-sangáná. Tomoni yango awa na Liloba na Nzambe.

³¹⁹ Tomonaki yango kuna na bileko nsambo ya lingomba. Awa Alobeli yango lisusu na Bilembo, kofungola mpe kotalisa makambo oyo esalemaki, na kati ya bileko ya lingomba.

³²⁰ *Motemeli* “atelemelaka” Liloba. Bomoni mpo na nini, bindimeli, mpo na nini totelemelaka makasi bindimeli ná badénomination? Mpo etelemelaka Liloba. Bomoni?

³²¹ Awa tozali komona Bomoi ná liwa kokóma na etumba ya nsuka. Mpunda ya mpembe, ya Bomoi ya solo; mpunda ya lángi lokola mpondu, ya bindimeli ya kosangana. Bazali komona likambo yango kokóma na—na etumba ya solosolo.

322 Sikawa nalingi koloba likambo moko awa. Ntango mosusu bokondima yango te. Kasi nayekolaki yango, mpo nándimisama mpenza. Lángi ya ebandeli ezali kaka moko, ezali mpembe. Bato boni bayebi yango? Lángi ya ebandeli ezali kaka moko. Nyonso mosusu, esangisámá.

323 Klisto azali likoló na Liloba oyo esangisami te, ya mpembe mpenza, longwa ebandeli. Amen! Amen! Balángi nyonso elingaki kozala mpembe, soki binama ya chimie moko boye ésangánáká na yango te. Amen! Nkembo! Mangomba nyonso elingaki kotelema likoló na Malakisi ya bantóma ya Liloba na Nzambe, mpe Nzambe alingaki kotatola Yango, soki ásangisaka bindimeli to ba-dénomination kati na Yango te. Yango mpenza.

Oh, Ndeko Evans, namiyoki malamú sikawa! Iyo, misie. Iyo, misie.

324 Lángi ya ebandeli kaka moko, ezali mpembe. E—esangáná ata moke te na ba-dénomination to bindimeli. Te, misie.

325 Mpe, bómikanisela, basantu na Ye balati nzambala ya mpembe, oyo basangísá na ba-denomination ná bindimeli te. Sikawa tomoni ete bindimeli ya ba-dénomination nde epesaka lángi oyo ya kosangana. Kasi oyo ezali lángi ya ebandeli, oyo Ye azali kotambola na yango. Bato na Ye nde baláti bilamba ya lángi ya ebandeli. Bazindisamaki na kati ya Makila oyo esukoli elamba yango, mpe ezongisi yango kuna mosika. Bomoni? Ezali bongo.

Baoyo basangisisangisi, bakómi púú mpe bazali kokende na liwa.

326 Ezali kobebisa, libebi, kosangisa balángi ná lángi ya mpembe; bobebisi lángi ya ebandeli. Boye te? Soki lángi ya ebandeli, lángi kaka moko, ezali mpembe, mpe osangisi yango na eloko mosusu, obebisi ntina na yango ya solosolo. Amen. Boye te?

327 Mpe, ntango, soki Azali mpunda ya mpembe, mpe Azali Liloba; na bongo, kosangisa Yango na eloko mosusu, ata endimeli nini, kobakisa liloba moko mpamba na Yango, to kolongola na Yango Liloba moko mpamba, ezali kobebisa likambo yango mobimba. Oh, la la! Batela ngai elongo ná Liloba, Nkolo!

328 Solo ná libunga! Oh, la la! Ata ezali malamú ndenge nini. . . Solo ná libunga ekoki kosangana te. Ekoki kosangana te. To ezali YANGO ELOBI NKOLO, to ezali lokuta. Ata sánzó mosantu nini alobi yango, Santu Bonifère, to—to moyangeli ya episikopo ya Canterbury; nayebi te moto oyo alobaki yango. Soki ekeseni na Liloba, ezali libebi. Ekosangana te. Okoloba: “Ee, mobali yango asali. . .” Ata asali nini, ata azali mosantu ndenge nini, to eloko nini, ndenge wana. *Oyo* nde Solo bobele moko oyo tozali na yango. Lingomba moko te, endimeli moko te, ezali na Solo te, soki ezali libanda na *Oyo*.

329 Bólakisa ngai moko mpamba, oyo ezali na Yango. Nalingi bóyebisa ngai. Ngai nakofungola lokasa moko na Biblia, mpe nakolakisa bino likambo moko. Bomoni? Bótángela ngai moko mpamba. Bokoloba: “Pantekotiste.” Oh, la la! Nauti kokanga likanisi yango, kouta na moto moko kuna. Yango nde ntina oyo nalobi bongo. Malamu nátika yango kimia, sika-sikawa, mpo namoni ete ebandi kosala mpasi na esika wana mpenza. Nazalaki te—nazalaki na mposa ya kozokisa yo te, kasi na—nalingaki kaka óyeba ete nayebi eloko oyo ozalaki kokanisa. Bomoni?

330 Baoyo esangisamaki, ebongolamaki (motelemeli) na liwa. Ekómaka na lángi ya liwa, na ntango osangisi lolenge nyonso ya eloko nyonso ná oyo ya ebandeli.

331 Ezali ndenge Klisto alobaki na ntina na momboto ya sinapi. Ata ezali momboto ya moke koleka mimboto nyonso, kasi esangisamaka na eloko mosusu te. Sinapi esangisamaka te. Azali sinapi ya solosolo. Na bongo, soki ozali kaka na kondima ya moke boye, kangámá na yango.

332 Bótala. Bomoi ezalaki kolanda mobuti-mpunda na mpunda ya mpembe, Oyo azalaki Liloba, Bomoi, etatolamaki na basantu na Ye oyo basekwaki, oyo bazalaki elongo ná Ye. Sikawa etumba yango ekosalema ndenge nini?

333 Yesu alobaki: “Ye oyo akondimela Ngai, ata akufi, akozala na bomoi.” Alobaki: “Soki ondimeli Ngai, ata o—okufi, okozala na bomoi. Mpe moto nyonso oyo azali na bomoi mpe andimeli Ngai akokufa te.” Lisusu, Alobaki: “Ye oyo andimeli Ngai. . . Akopesa ye Bomoi na Seko, Akosekwisa ye na mikolo ya nsuka.” Yango nde Likomi na Ye oyo elakamaki.

334 Tala Satana azali koya, ná nsóngé nyonso minei ya mokili, ná ba—Protestant na ye, ná ba—ba—Katoliko na ye mpe bango nyonso elongo, kotamboláká semba kino na Etumba ya Harmaguédon. Malamu.

335 Mpe tala Yesu azali koya, kokita longwa na Likoló, ná basantu oyo basekwi, Liloba oyo etatolami.

336 Nalobaki, soki Nzambe alobi, to atindi yo, Azali. . . A—Akotatola oyo olobi. Bomoni? Bótala, soki ozali ntóma ya Lola, Lola mobimba ezali nsima na yo. Mpe Lola esalemi na Liloba. Ah-ha.

337 Bótala, sikawa, Ayei ná basantu oyo basekwi, kotatoláká ete Liloba na Ye ezali solo.

338 Boye, Satana ayebi, na ntango yango ete libulu mozindo ebelemi mpo na ye. Bomoni? Oh, la la! Wana liwa ezalaki kotambola ná mpunda ya lángi lokola mpondu, bindimeli ya kosangisa ná ba—dénomination, mpe ezalaki kolanda ye, oh, la la, kino na bokabwani ya Seko ná Nzambe. Kuna nde epai amemaki bango, na bokabwani ya Seko.

Klisto amemaki Lingomba na Ye mbala moko kino na Nkembo, na lisekwa.

339 Bótala molongo ya 8 sikawa, mpenza. . . eteni ya nsuka ya molongo ya 8, wana tozali kosilisa, bomoni.

. . . *nguya epesamelaki bango* . . .

340 “Bango” ezali banani? Bomoni? Malamu. Motemeli-na-Klisto, nkombo na ye “Liwa.” “Ewélo ezalaki kolanda ye.” Bótala malamumwango na ye ya makambo minei.

341 Motemeli-na-Klisto, mpunda ya mpembe; azali koboma na molimo, lokola azali motemeli-na-Klisto; koboma ya molimo.

342 Motángo ya mibale, mpunda ya motane; akómi koboma na mopanga; na nguya ya politiki, ntango lingomba ná letá esanganaki.

343 Mpunda ya moindo; milimo, ntango akómaki kokabola malakisi na ye, mpe azalaki kosala yango ná pité na ye. Mpe akómaki kopíma bilei na bango, na nzela na . . . akómaki kotekela bango . . . bilei oyo bazalaki kopesa bango, likoló na emekeli kiló, ná ba-denali, mpe nyonso wana.

344 Ya minei, mpunda ya lángi lokola mpondu; bokabwani ya Seko na Nzambé. Lisusu, minei, bomoni. Oh, la la!

Nzambe ákumisama!

345 Sikawa, ya nsuka, awa, mpo na kosilisa. Mpo na baoyo . . . Bozali na . . . Nalekisi ntango mingi, kasi bokoki kopesa ngai lisusu miniti pene na zomi? [Losambo balobi: “Amen.”—Mok.] Bato mingi mpenza babengaki ngai lelo, na ntina na—na ntina na oyo nalobaki awa.

346 Bofanatiki mingi ebandaki awa, na ntina na Eliya, na lolenge ete ekómi mpenza . . . Ba—bazali kobundisa yango makasi. Mpe bokoki . . . Ee, bótika . . . Nzambe ásunga ngai mpo násunga bino mpo bómóna oyo ngai nazali kotala. Bolingi yango? Tómeke kaka, bomoni.

347 Sikawa bótala, mpo na kosilisa, mpo na baoyo bandimaka te ete motindami ya nsuka na eleko ya lingomba ezali Eliya mosakoli, moto oyo azali na epakweli ya molongo wana.

348 Nsima na liwa . . . Bótala malamumu. Nsima na liwa, ya eleko ya lingomba ya nsuka oyo . . . Sikawa, bótala likambo oyo esalemaki, bomoni. Nsima na liwa, bibembe na bango ekoliama na banyama ya yauli. Boyebi yango. Sikawa, ezali ya solo. Lokola oyo ya bango, etalisamaki na elilingi ya Yezabele.

349 Sikawa bózua Emoniseli 2:18 mpe 20. Nabanzi ete touti kotánga yango, kala mingi te. Boye te? Iyo, nabanzi ete touti kotánga yango. Nakomaki yango awa, mpo na . . . Iyo. Ntango bomoto ekobeba mpenza, nde oyo yango ezalaki. Bomoni ndenge ezalaki, ndenge Yezabele akotaki. Sikawa, Yezabele ezali mangomba, lingomba oyo ya mikolo oyo; Mwasi na libala

te, sikawa. Yezabele, na Kondimana na Kala, azali elilingi ya lingomba lelo, kokokana na Liloba na Nzambe, na Emoniseli 2:18,20.

...opesi nzela na mwasi yango Yezabele, oyo akolobaka ete ye mosakoli,...

³⁵⁰ Bomoni? Boye te? Sikawa, etalisami na ndenge ya malamumu be na Yezabele. Sikawa, ya liboso...

³⁵¹ Tokoki kopesa bino Likomi nsima na Likomi, bomoni, mpo na kotalisa ete eleko ya nsuka ezali Nsango ya lisakoli mpo na Lingomba, kobengáká bango bázonga na Liloba ya ebandeli. Sikawa bótala. Ezali bongo? Malaki 4 nde elobi bongo, ná biteni mosusu, Emoniseli 10:7, mpe bongo na bongo. Bomoni? Yesu Ye moko alobaki yango liboso, bongo, bongo, bongo. “Ndenge ezalaki na mikolo ya Lota,” mpe bongo na bongo ndenge wana, mpe ekobaki bongo. Ezali kaka kokóba kotalisama.

³⁵² Yezabele azali elilingi ya lingomba ya mikolo oyo, mpamba te ba-Katoliko ná ba-Protestant basangani sikawa. Makoki ya—ya kokima yango ezali te. Bango mibale bazali ba-dénomination, boye ezali mpenza—ezali mpenza mama ná ndeko mwasi, esili. Baswanaka mpe bawelanaka, kasi bazali kaka ndenge moko, bango mibale bazali basi ya ndumba. Sikawa, nazali koloba yango ngai moko te. Nazali kozongela koloba YANGO ELOBI NKOLO. Bomoni? Malamumu.

³⁵³ Sikawa tomoni ete Yezabele abomamaki na etinda ya Nzambe, babomaki ye, mpo Nzambe asalaki ete Yewu ákende kuna mpe ápesa motindo ete bábwaka Yezabele na lininisa, mpo na koboma ye. Mpe bambwa baliaki mosuni na ye (Ezali bongo?), Yezabele mpenza. Akaba, mokonzi na ye, motó na ye; bambwa balembolaki makila na ye, ndenge Eliya ya liboso asiláká koloba. Bomoni epai tozali kokende, boye te?

³⁵⁴ Mpo na nini? Eliya ya liboso azalaki moto oyo aboyami, na mangomba. Mpe Yezabele ná Akaba bato bazalaki bakonzi ya mangomba yango, ya lingomba ná letá, elongo. Mpe Elisa amonisaki na Akaba masumu na ye moko, mpe apesaki motindo ete lingomba mobimba ézonga na Liloba ya solo.

³⁵⁵ Soki wana ezali mpenza te oyo Eliya ya mibale asengeli kosala, ntango akoya na lingomba yango lelo, “kozongisa Kondima ya ebandeli”! Namoni te ndenge nini bokosala mpo na kowangana Yangu. Ya solo. Bózonga na Liloba ya solo! Ya solo.

³⁵⁶ Sikawa soki bolingi komona bibembe na bango, tózua Emoniseli 19, nsima na—nsima na Liloba koboma bango. Sikawa, Liloba nde ekoboma bango. Boyebi yango. Malamumu. Sikawa bótala malamumu mpe bokomona oyo ekosalema na Boyebi ya Klisto, na Emoniseli 19, kobanda na molongo ya 17.

Namonaki mwanje moko ateleme na kati ya mói;...

357 Sikawa, yango esalemaki mpenza nsima na yango, bótala awa na likoló: “Mpe elamba na Ye ezindisamaki na makila. Mpe babengi Ye MOKONZI NA MOKONZI, MPE NKOLO NA NKOLO.” Na molongo ya 13: “Babengi Ye Liloba na Nzambe.” Bomoni? Sikawa, Ye oyo: “MOKONZI NA MOKONZI, MPE NKOLO NA BANKOLO.”

Namonaki mwanje moko . . .

358 Sikawa bótala malamumu. Apusani.

Na monoko na ye mopanga na kopela ebimi na ntina ete abola mabota yonso: . . .

359 “Na monoko na Ye,” lokola longwa na monoko ya Nzambe kino na monoko ya Mose. Bomoni?

. . . ye akokengela bango na mpimbo na ebende: mpe . . . akonyata ekamelo—akonyata ekamelo na kongala ya nkele na Njambe Mozui-na-Nguya-Yonso.

Mpe azali na elamba na ye nkombo moko . . . na ebelo na ye nkombo ekomami ete, MOKONZI NA MOKONZI, MPE NKOLO NA BANKOLO.

Namonaki mwanje moko . . .

360 Sikawa bótala malamumu. Sikawa Apusani mpo na kobeta. Azali kobeta nani? Yezabele ná Akaba na ye, mosakoli ya lokuta.

Namonaki mwanje moko ateleme na mói; mpe agángi na mongongo makasi koloba na bandeke nyonso baoyo bapumbwaka na njanga ete, Yaka koyangana na elambo monene na Njambe;

361 Akabi bango lokola bilei na banyama ya yauli ná bandeke. Sikawa bótala malamumu awa, na mokapo mosusu oyo, ya Buku ya Emoniseli. Mpe, bozela naino: “Koboma na mopanga, na liwa, mpe na banyama ya yauli ya mokili.” Bomoni? Lingomba Yezabele, ebembe na ye (mpenza), esengeli koliana na bandeke ná banyama ya yauli ya mokili. Kaka ndenge ekómelaki Akaba ná Yezabele, na mosuni, ekokómela bango mpe, na lolenge ya molimo, lingomba. Bomoni oyo nalingi koloba? [Losambo balobi: “Amen.”—Mok.] Malamumu.

362 Eliya . . . Oh! Eliya azalaki mosakoli na mikolo ya Akaba ná Yezabele, na mosuni. Mpe elakamaki kosala ndenge moko, kokokana na YANGO ELOBI NKOLO, na Liloba, epai ya Yezabele, ya molimo; lolenge ya lotómo na ye na Molimo.

363 Bótala malamumu. Eliya, na mokolo na ye atatolaki na ndenge ebongi mpe na bozindo, alongaki te kozongisa bango na Liloba. Boye te? Nzokande, Eliya amekaki mpenza, ná nyonso. Asalaki nyonso. A—alakisaki bango bilembo mpe bikamwa; kasi batiolaki ye. Bakosala ndenge moko na oyo ya molimo awa, bomoni. Alongaki te kozongisa bango na Liloba. Na ba-milió . . .

³⁶⁴ Sikawa, lingomba, bóyoka na bokebi sikawa, bino baoyo bozali na mwa mobulu na likambo oyo.

³⁶⁵ Uta na ba-milió ya bato oyo bazalaki na mokili, na mikolo ya Eliya, ntango Yezabele ná Akaba bazalaki kokonza, na—na elilingi oyo etalisami lelo; uta na mokili mobimba, kaka bato nkama nsambo nde babikisamaki, na mateya ya Eliya. Ezali bongo? Ezali mpenza bongo.

³⁶⁶ Bótala, Eliya atikálá koyeba ata moko na bango te ete ezalaki bongo. Azalaki kokanisa ete azalaki kaka ye moko nde abikisamaki, kino Nzambe afungolaki moko na Bilembo mpe alakisaki ye libombami oyo ezalaki na kati ya Buku, ete azalaki na bato nkama nsambo oyo batikalaki ata moke te kofukamela bindimeli oyo bazalaki na yango. Ntango Nzambe afungolaki Buku na Ye mpo na Eliya, alobaki: “Sikawa zela naino, mwana. Nazali na bato nkama nsambo oyo babombami, kuna, oyo bankombo na bango ekomámá na Buku liboso na kozalisama ya mokili. Bazali ya Ngai.” Fiuu! Nzambe nde afungolaki Bilembo yango.

³⁶⁷ Nakanisi ete yango wana Yoane azalaki kogánga makasi mokolo wana na mpokwa. Na ntembe te, amonaki nkombo na ye Kuna, bomoni. Bomoni?

Mokolo moko Nzambe afungolaki . . .

³⁶⁸ Elisa, asilaki koteya. Asilaki kosala nyonso, mpe—mpe—mpe asilaki koteya na motema na ye mobimba. Asilaki kosala nyonso oyo akokaki kosala, kasi ata bongo, bazalaki kaka kowolola ye, kofinga ye ndenge balingaki, mpe koloba na ye: “Yo nde moto omemi makambo nyonso oyo ezali kokómela biso. Ozali na moto na soloka. Yo nde moto ozali kosala ete mindondo nyonso éya. Ezali fóti na yo,” ná makambo nyonso ya ndenge wana. Alobelaki ye makambo nyonso wana. Yezabele alobaki ete akokata ye motó, ná nyonso wana. Ya solo. Bato nyonso bazalaki kotelemela ye.

³⁶⁹ Na bongo alobaki: “Nkolo, nsima na ngai kosala nyonso oyo Oyebisaki ngai ete násala! Natikalaki mpenza ná Liloba na Yo. Ntango Ozalaki koyebisa ngai likambo moko, nazalaki kobanga te. Nakendeki mpenza liboso na mokonzi, ná bato mosusu nyonso, mpe naye bisaki bango: ‘YANGO ELOBI NKOLO.’ Mpe Oyébísá ngai ata likambo moko te, ngai mpe nayébísá bango ata likambo moko te, oyo ezángá kokokisama. Sikawa tala ngai oyo, natikali kaka ngai moko, kati na etonga mobimba. Natikali kaka ngai moko, mpe bazali koluka koboma ngai.”

³⁷⁰ Nzambe alobaki: “Nakofungola moko na Bilembo mpe Nakolakisa yo likambo moko.” Alobaki: “Oyebi, Nazali na bato nkama nsambo kuna, oyo babúká mabolongo ata moke te liboso na . . . oyo basángáná naino na moko na bindimeli yango te, ba-dénomination yango. Ezali na bato nkama nsambo oyo babelemi mpo na Konetolama, bomoni.” Oh! Oh! Alobaki yango na mosakoli na Ye, oyo Ye amonisaka Liloba na Ye epai na bango,

bomoni, na kati ya Makomi. “Nazali naino na bankombo nkama nsambo oyo babongisami, uta na ekeke oyo; bato nkama nsambo. Babuki mabólongo na bango na eloko moko te” (soki nalobi yango na elobeli ya lelo) “liboso na bibongiseli ya basambeli, mpe bameli bindimeli na yango.”

³⁷¹ Bomoni oyo nalingi koloba? Na bongo, esengeli kaka kosalema. Esengeli kaka kozala bongo. Mpe elongobani na Liloba. Ntango moto yango akokóta na mosala, akozala mosakoli. Ya solo mpenza ndenge natelemi na eteyelo oyo. Bomoni? Mpe akotikala mpenza ná Liloba wana. Akondima endimeli to eloko mosusu ya moto moko te to eloko mosusu te. Ya solo. Akozala moto ya zamba, lokola Elisa, ye. . . mpe lokola Yoane, ntango ayaki. Ako—akoyina basi, (oh!) basi oyo bazangi bomoto! Fiuu! Oh, akotelemela bango mpenza! Eliya asalaki yango, Yoane mpe asalaki yango. Bomoni? Bomoni? Mpe akokangama mpenza ná Liloba wana. Akozala—kotelemela bibongiseli. Ebongiseli? “Bókanisa te koloba kati na bino moko ete: ‘Abraham nde tata na biso,’ mpamba te Nalobi ete Nzambe azali na makoki ya kotelemisa bana mpo na Abraham uta na mabanga oyo.” Bomoni? Ya solo mpenza.

³⁷² Sikawa, yango mpenza, baninga. Elembo ya Minei yango oyo, efungwami. Mpe babuti-mpunda ya ba-mpunda nyonso minei bamonisami, na boyebi na ngai nyonso. Sikawa, yango nde nyonso oyo esalemaki na mokili.

³⁷³ Elembo oyo elandi, oyo tokomona, ezali kosalema na Likoló, epai milimo ezali na nsé ya etumbelo.

³⁷⁴ Sikawa, mpo na kosilisa, nalingi koloba maloba mibale to misato. . . mwa maloba oyo nakomaki awa. Tosili kokende mpe kozonga na Bilembo minei oyo, Bilembo minei ya liboso.

³⁷⁵ Sikawa, lobi na mpokwa, to—tokobongola esika, tokotika makambo oyo ezali kosalema na mokili. Atomboli miso mpe amoni milimo oyo ezali na nsé ya etumbelo, etumbelo ya mbeka.

Na mpokwa oyo ekolanda, kosambisama ekobeta.

³⁷⁶ Mpe na mpokwa ya minei, to na mpokwa ya suka, mokolo ya Lomongo na mpokwa, nayebi te. Nayebi te nini makambo mosusu oyo elingi koloba. Natángaki yango kaka, ndenge bino botángá yango. Kasi ezalaki “Kimia ya ndambo ya ngonga,” kasi likambo moko esalemaki. Nazali kotalela Ye mpo na komonisa Yango. Akosala yango. Nandimisami ete Akosala yango.

³⁷⁷ Tosengelaki kozua biteni ndenge na ndenge ya Makomi, kino na Emoniseli 19, mpo na kotalisa ete Boyei ya Klisto nde ekoboma motemeli-na-Klisto. Yango nde ntina oyo nasengelaki kotika oyo, kozua kaka milongo mibale oyo. Nasengelaki kozua biteni ndenge na ndenge ya Makomi, mpo na kotalisa makambo yango polele. Boye, yango wana nazuaki Emoniseli 19, mpo na kotalisa nsuka ya motemeli-na-Klisto, akobomama; Klisto, ntango Akoya, Akoboma motemeli-na-Klisto.

378 Na Emoniseli 10, kotalisa ete Nsango ya mwanje ya nsambo ekozala moto moko, na mikolo ya nsuka oyo, akopakolama na Nzambe mpo na lotomo kaka lokola Eliya mosakoli azalaki na yango, ndenge esilá kolobama liboso na Malaki 4, mpo na komonisa Liloba ya solo (ya ebandeli) ya Nzambe na ekeke oyo, Liloba na Nzambe ya ebandeli na ekeke oyo. Ndenge asalaki na Yezabele ya mosuni, moto yango mpe akosala yango na Yezabele ya molimo, mangomba ya ba-denomination. Nasengelaki kozua mokapo ya 7... mokapo ya 10, milongo ya 1 kino 7, mpo na kotalisa polele ete ezalaki bongo. Mpe kozua Malaki, Amosa mpe bongo na bongo, mpo na kotalisa yango polele.

379 Eliya azalaki mosakoli oyo asakolaki mpe akweisaki Yezabele, na ekeke wana mpenza.

380 Mpe Eliya atikálá kokufa te. Ya solo mpenza, akufaki te. Amonanaki lisusu, mibu pene na nkama mwambe nsima na yango, na mopanzi ya Yesu Klisto, na Ngomba ya Mbongwana. Akúfi te.

381 Sikawa, tomoni ete Molimo na ye esengeli kopakola moto moko, kokokana na elaka ya Nzambe, na mikolo ya nsuka; elakamaki kosalema ndenge moko na Yezabele ya molimo ndenge esalemaki na Yezabele ya mosuni, na eleko ya suka.

382 Yango wana na—nazuaki biteni ndenge na ndenge ya Biblia, mpo na kotalisa yango polele, mpo motuna moko te etikala na makanisi na bino. Soki motuna moko ezali, bóyebisa ngai yango. Ee, bókomela ngai mokanda to na mwa lokasa.

383 Mpe ezali na boyokani na ndenge ya kobonga be, ata banyama ya yauli oyo bakolia bibembe na bango na mokolo nsuka, bakolia yango, ndenge baliaki yango na eleko wana.

384 Na emoniseli na ngai ya malamú koleka, oyo epesamelaki ngai na Nzambe, mpe esilá kolobama liboso ete ekosalema, oyo nde Solo ya babuti-mpunda minei yango, na oyo ya malamú koleka ngai nayebi.

385 Bokanisi nini mpo na Yesu?

Nalingi Ye, nalingi Ye
Mpo Alingaki ngai liboso
Mpe asombi lobiko na ngai
Likoló na Ekulusu.

386 Sikawa bóbosana te, nazali na . . . (Ezali bongo; bókoba; ezali malamú.) Nazali na likanisi moko ya mabe te mpo na bato ya ebongiseli! Mpamba te, Nzambe azali na bana na kati ya système ya ba-Katoliko. Azali na bana na kati ya système ya ba-Metodiste. Azali na bana na kati ya système ya ba-Batiste. Bato boni, na ba-système ya ndenge na ndenge nyonso wana, batalisami awa na mpokwa oyo, baoyo babimaki kati na yango ntango bomonaki Pole? Bótombola maboko. Sikawa, bóbosana te, ezali na bato kuna oyo bazali mpenza lokola bino. Kasi

systeme nde ebomaka, bomoni. Ezali molimo ya motemeli-na-Klisto sukasuka nde ememaka bango na esika oyo bakoyoka Solo te.

³⁸⁷ Mpe bózali komikanisela mokolo wana na mpokwa, ntango nalobaki na ntina na kotiamana elembo? Soki moto moko ayoki mbela ya yubile, kasi aboyi kozua bonsomi, bazalaki komema ye na likonzi mpo na kotobola ye litoi na ntonga. Litoi nde enama oyo toyokaka na nzela na yango. “Mpe kondima eyaka na koyoka.” Na bongo soki ayoki Yango, kasi aboyi koyamba bonsomi na ye, na bongo akómi . . . asengeli kosalela mokonzi na ye ya denomination bomoi na ye mobimba. Amen.

³⁸⁸ Oh! la la! Azali malamú mingi, boye te?

Nalingi Ye, na . . .

Tótombola maboko sikawa mpe tókumbamela Ye.

Mpo Alingaki ngai liboso (Nkembo!)

Mpe asombi lobiko na ngai

Likoló na Ekulusu.

³⁸⁹ Sikawa bógumba mitó, mpe tókumbamela Ye sikawa, wana tozali koyemba yango na nsé ya mongongo.

³⁹⁰ Nkolo, tozongisi matondi mingi! Nazali na esengo mingi, Nkolo, esengo mingi mpo na Yo ná bato na Yo. E Nkolo, Osombaki lobiko na biso na Kalvari. Toyambi yango na esengo, Nkolo.

³⁹¹ Sikawa meká biso, Nkolo, na Molimo na Yo. Mpe soki mabe moko ezali katikati na biso, Nkolo, kozanga kondima moko na ntina na Liloba, soki moto moko azali awa, Tata, oyo alobaka te “amen,” na elaka moko na moko; tika ete Molimo Mosanto ákita sikawa, Mobuti-mpunda ya mpembe, wana Molimo na Ye, Molimo ya Klisto, liboso na motemeli-na-Klisto, mpo na kobenga bato na Ye. Benga bango ete bábima, Nkolo.

³⁹² Sala ete bábongola mitema sikawa, báya mbangu epai na Yo mpe bátondisama na Mafuta mpe na vinyo; mpe bálóngola elamba wana, ya denomination, ya liwa ya Kaina, bálata elamba ya mpembe lokola neige, ya Bomoi na Seko, oyo Mobali na libala azali kokabola. Na bongo bakokende na Elambo ya Libala mokolo moko, na elamba ya Liloba oyo ekokokisama na lisekwa. Kokisa yango, Nkolo. Luká-luká na mitema, wana bato bazali kotalela Yo. Na Nkombo na Yesu!

³⁹³ Sikawa, luká-luká na motema na yo, ndeko na ngai ya mobali, ndeko na ngai ya mwasi, moninga na ngai. Nasili kozala ná bino ntango molai. Ekokisi pene na mibu ntuku misato na misato. Nasilá koyebisa bino likambo moko na Nkombo na Nkolo, kozanga ete ékokisama? [Losambo balobi: “Te.”—Mok.] Luká-luká Klisto sikawa, wana ozui libaku malamú yango. Ekoki kosalema ete nokinoki ókoka lisusu kosala yango te. Bomoni? Akoki kolongwa na ngwende ya Molobeli, ata na ntango


nini; bongo okoki kolela na motema mobimba, okoki kobeta makolo na nsé, okoki koloba minoko na sika, okoki kopota mbangu awa, okoki kosala nyonso oyo olingi, mpe kokóta na mangomba nyonso ya mokili, eloko moko te ezali, javel moko te mpo na kolongola li—lisumu na yo. Na bongo, okosala nini, okosuka wapi?

³⁹⁴ Ee, nandimi, na motema na ngai mobimba, ete ngwende ezali naino polele. Nandimi ete Azali naino na Ngwende ya Nzambe. Kasi kala mingi te, Akotelema, mpe Akopusana, mpo na kozua baoyo Asili kosikola. Azali kosala mosala ya Ndeko Mosikoli, wana Luta azali kozela.

³⁹⁵ Kasi kala mingi te, boyebi, ntango Boaze asilisaki mosala ya ndeko mosikoli, na bongo ayaki kozua libula na ye. Mpe yango mpenza nde Biblia elobaki ete Asalaki: “Apusanaki mpe Azuaki Buku.” Na ntango wana mosala ya kolobela bato esili; Alongwe na Ngwende; Makila ezali lisusu te likoló na Ebonga ya Mawa. Nsima na yango ekómi nini? Kiti na kosambisama.

³⁹⁶ Botika élobama te, moko na mikolo oyo ete: “Nakanisaki ete Konetolama esengelaki kosalema.” Mpe bakoyoka Mongongo koyanola ete: “Esílá koleka.” Nzambe ásungu bino!

Sikawa tógumba mitó.

³⁹⁷ Ndeko Neville, yaka, mpo na kosilisa to kosala nyonso oyo osengeli kosala. Nzambe ápambola bino, kino lobi na mpokwa. [Ndeko Neville abondeli—Mok.] 

63-0321 Elembo Ya Minei
Branham Tabernacle
Jeffersonville, Indiana U.S.A.

LINGALA

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Liyebisi ya makoki ya mokolo-eloko

Makoki nyonso ekopesama na ndingisa. Búku oyo, ekoki kozala imprimé na masíni ya ndako mpo na yo moko to kokabama, ofelé, lokola esalelo mpo na kopalanganisa Nsango Malamú ya Yesu Klisto. Búku oyo ekoki kotekama te, koyíkanisama te, kotiana na site internet te, kobombama mpo na kolukaluka te, kolimbolama na nkota mosusu te, to kosalela yango mpo na kosenga misolo te, kozanga ndingisa ekomami mpenza na Voice Of God Recordings®.

Soki olingi koyeba makambo mosusu to kozua bisalelo mosusu, koméla:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org